



文苑英華卷第一百六十一

詩十

地部三



山雜題二十首

洞六首

峽十首

石七首

孤石五首

太湖石四首

雜題七首

山雜題

露際中峰

一作中峯居
喜見苗發

祖詠

一作李端

自得中峰住深林亦閉關經秋無客到入夜有僧還暗澗

泉聲小荒園

一作岡

樹影閑高窓下

一作南窓不

可望星月滿空

山

此詩二百一十八卷重出今已削去遇有異同註為一作

風涼源上作

王昌齡

陰岑宿雲歸煙霧集作霧露濕松栢風淒日初曉下嶺望川澤
遠山無遺明集作晦明秋水千里白佳氣盤未央聖人在凝碧
關門阻天下信是帝王宅海內方晏然廟堂有竒策時貞
守金運罷去遊說客余忝蘭臺人幽尋免貽責

此詩三百十八卷重出今已削去

秋山夕興

陶翰

山月松篠下月明山景鮮聊為高秋酌復此清夜絃晤語
方獲志栖心亦彌年尚言興未逸更理逍遙篇

登超頭山題儼公石壁

包融

晨登超頭山山曛黃霧起却瞻迷向背直下失城市輒日
銜東廓朝光生邑里掃除諸煙氛照出衆樓雉青為洞庭
山白是太湖水蒼茫遠郊樹倏忽不相似萬象以區別森
然共盈機坐令開心胃漸覺落塵滓此巖千餘仞結廬誰
家子願陪中峯遊朝暮白雲裏

季夏入北山

林璠

整駕俟明發逶迤歷險途天形逼峯盡地勢入谿無樹遠
圓潭密雲橫疊障孤誰憐後時者六月未南圖

獨往覆金山寄卽士元

錢起

賞心無遠近芳月好登望勝事引幽人山下復山上將尋

洞中藥復愛湖外嶂古壁苔入雲陰溪樹穿浪誰言世緣
絕更惜知音曠鶯啼綠蘿春廻首還集作遠惆悵

棲霞山夜坐

僧靈一

山頭戒壇路幽映雲巖側四面青石床一峯苔蘚色松風
高僧詩作風松靜復起月影開還黑何獨乘夜來殊非書高僧詩作畫

所得

春晚山行

詩選無春晚二字

殷遙

見王安石唐百家詩選

寂歷青山晚山行趣不稀野花垂子落江鷺引鷓飛暗草

薰苔渚

一作徑

晴楊拂石磯俗人語話

一作猶

此我一作余

亦轉

忘歸

買山吟

于鵠

買得幽山屬漢陽槿籬疎處種桃柳唯有獼猴來往熟弄
人拋果滿書堂

春山夜月

于良史

春山多勝事賞翫夜忘歸掬水月在手弄花香滿衣興來
無遠近欲去惜芳菲南望鳴鍾處樓臺深翠微

奉賀裴相公假山

韓愈

公乎真愛山看山旦連夕猶嫌山在眼不得着脚力往語
山中人集作語我澗側石有來應公須歸必載金帛當軒

乍駢羅隨勢忽開折有洞若神刻有巖類天劃終朝巖洞

間歌吹集作鼓

宴賓戚孰謂衡霍竒近在王侯宅傳氏築已

卑磻溪釣何激逍遙功德下不與事相撫樂我盛明朝集作

時於焉傲今昔

此詩二百四十五卷重出今已削去

早春題少室東巖

白居易

三十六峯晴雪銷嵐翠生月留三夜宿春引四山行遠草
初含色寒禽未變聲東巖最高石唯有我題名

尋山

于武陵

奉賀盧大夫新立假正山

許渾

巖谷留心賞為山極自然孤峯空迸笋攢萼旋開蓮黛色
朱樓下雲形繡戶前砌塵凝積霽簷溜掛飛泉樹暗壺中

月花香洞裏天何如謝康樂海嶠獨題篇

與郭二十四同看朱審山水時郭二十四將遊廬

山集作送郭秀才遊天台并序余嘗與郭秀才同翫朱審畫天台山圖秀才因遊是山題詩

贈別焉

許渾

雲埋陰壑雪凝峯平碧集作半壁天台已萬重人渡碧溪疑輟

棹僧歸蒼嶺似聞鍾煖眠瀉鷺晴天集作灘草高掛獼猴暮

澗松曾約共遊今獨去香爐山下集作赤城西面水溶溶

經西塢偶題

温庭筠見集本

搖搖弱柳黃鸝啼芳草無情人自迷日影明滅金色鯉杏

花嚏一作喋青頭鷄微紅柰帶惹蜂粉潔白芹牙入一作穿

鷺泥借問含嚔向何事昔年曾到武陵溪

長安

一有月夜二字與友生語舊一作山

趙嘏見王安石百家詩選

宅邊秋水舊

一作浸

苔磯日日持竿去不歸楊柳風多潮未

落蒹葭霜在鴈初飛重嘶疋馬吟紅葉却聽疎鍾憶翠微

今夜秦城滿樓月故人相向一沾衣

山行偶作

馬戴

緣巴路忽窮投宿值樵翁鳥下山含影蟬鳴露灑空石門

斜月入雲竇暗泉通寂寞生愁思心疑舊隱同

尋山

李頻

一逕入雙崖初疑有幾家行窮人不見坐久日空斜石上

生靈草泉中落異花終須結茅屋何此學飡霞

出山

杜荀鶴

病眼見

集作看

春榜文場公道開朋人登第盡白髮出山來

虜世曾無遇唯天合是媒長安不覺遠期遂一名廻

洞

題合溪乾洞

于鵠

渡水傍山尋絕壁白雲飛處洞天開仙人來往行無迹石

徑春風長綠苔

題武陵洞四首

曹唐

此生終使此身閑不是春時且要還寄語桃花與流水莫

辭相送到人間

二

溪口回舟日已昏却聽雞犬隔前村殷勤重與秦人別莫

使桃花閉洞門

三

却恐重來路不通殷勤迴首謝春風
白鷄黃犬不將去且寄桃花深洞中

四

桃花夾岸杳何之花滿春山水去遲
三宿武陵溪上月始知人世有春時

桃源洞

李群玉

我到瞿童集作真上昇處山川西一作四望使人愁
紫雲白鶴去不返唯有桃花溪水流

峽

琵琶峽

梁簡文帝

由來歷山川此地獨迴遘百嶺相迂蔽
千崖共隱天橫峯時礙水斷岸或通川
還瞻已迷向直來復疑前夕波照孤月
山枝斂夜煙此時愁緒密

九遷

廣溪峽三峽有

楊炯

廣溪三峽首曠望蕪川陸山路遠羊腸
江城鎮魚腹喬枝百丈偃飛水千尋瀑
驚浪迴高天盤渦轉深谷漢氏昔云季
中原爭逐鹿天下有英雄襄陽有龍伏
常山集軍旅永安興板築池臺忽已傾
邦家遽淪覆庸才若劉禪忠佐為心腹
設險猶可存當無賈生哭

巫峽

三峽七百里唯言巫峽長重巖宵不極疊障陵蒼蒼絕壁
橫天險莓苔爛錦章 夜分明見

忠信吾所踰泛

舟亦何傷可以涉砥柱可以浮呂梁美人今何在靈芝徒
自芳山空夜猿嘯征客淚沾裳

西陵峽

前人

絕壁聳萬仞長波射千里盤薄荆之門滔滔南國紀楚都
昔全盛高丘烜望祀秦兵一旦侵夷陵火潛起四維不復
設關塞良難恃洞庭且忽焉孟門終已矣自古天地闢流
為峽中水行旅相贈言風濤無極已及余踐斯地懷竒信
為羨江山若有靈千載深知已

湏陽峽作

張九齡

舟行傍月岑窈窕越溪深水暗先秋冷山晴當晝陰重林
間五色對石壁集作聳千尋此物集作惜此生遐遠誰知造化心

峽山中

盧象

高堂幾百里雲樹接陽臺晚見江山霽宵聞風雨來雷從
三峽起天向數峯開靈境信難見輕舟那可迴

經端溪峽中

楊衡

陰岸東流水上有微風生素羽漾翠澗碧苔敷卅英重林
宿雨晦遠岫孤霞明飛猱相攀牽白雲亂縱橫有客泝輕
楫閱勝匪羈程逍遙一息間糞土五侯榮攀茗庶蠲熱漱
泉聊拆醒禮樂志秦尊寄言絲竹者詎識松風聲

過巫峽

李頎

擁棹何驚湍巫山直下看削成從地底
出雲端暮雨晴歸少啼猿渴下難一聞神女去風竹掃空壇

滄浪峽

羅鄴

關向紅塵日日開入門襟袖遠塵埃晴香惹步澗花發晚
影逼簾溪鳥迴不為市朝行路近有誰車馬看山來可憐
嚴子持竿處雲水終年鎖綠苔

巫峽

曹松

巫山蒼翠峽通津下有仙宮楚女貞不逐絲雲歸碧落却
為暮雨撲行人年年舊事音容在日日誰家夢想頻應是
荆山留不住至今猶得覩芳塵

石

賦得翠石應令

梁蕭雉

依峰形似鏡構嶺勢如蓮映林同綠柳臨池亂百川壁苔
終不落卍字本難傳邁有東明上來遊皆羽仙

石

陳陰鏗

天漢支機罷仙嶺博碁餘零陵舊是鷲昆池本學魚雲移
蓮勢出苔駁錦文暎還當穀城下別自解兵書

奉和周趙王

初學記作王

詠石

隋崔仲方

玉繩隨月落金牌映日鮮入江疑濯錦出峽似開蓮文馬
河西瑞兵符濟北篇會逐靈槎上還歸天漢邊

賦得臨階危石

隋岑德潤

當階聳危石殊狀實難名帶山疑似獸浸波或類鯨雲峯
臨棟起蓮影入簷生楚人終不識徒自蘊連城

賦得石

隋虞茂

蜀門鬱遐阻燕碣遠參差獨標千丈峻共起百重危峯鏡
含月魄盖頌初學記作嶺逼雲枝徒然抱貞介填海竟誰知

石

蘇味道

濟北甄神貺河西濯

初學記作瑞

錦文聲應天地雨影觸岱宗

雲鴈歸猶可候羊起自成群何當握靈髓高枕絕囂氛

同前

李嶠

宗子維城固將軍飲羽威巖花鏡裏發雲葉錦中飛入朱
星初墮過湘鷺早歸儻因持補極寧復羨支機

孤石

孤石

侵霞去日近鎮水激流分對影疑雙闕孤生若斷雲過風
靜華浪騰煙起薄曛雖然近七嶺獨立不成群

同前

陳標法師

中原一派石地理不知年根含彭澤浪頂入香爐煙崖成
二鳥翼峯作一芙蓉何時發東武今來鎮蠡川

同前

陳高麗定法師

迴石直生空平湖四望通巖根恒灑浪樹杪鎮搖風偃流
還清影侵霞更上紅獨拔群峯外孤秀白雲中

同前

劉長卿

孤石自何處對之如舊遊氛氤峴首夕青翠剡中秋廻出
奇峰當殿前雪山靈鷲慙貞堅一片夏雲長不去莓苔古
色空蒼然

同前

戴叔倫

迥若千仞峰孤危不盈尺早晚他山來猶帶煙雨跡貞堅
自有分不亂和氏璧

太湖石

李蘇州遺太湖石奇狀絕倫因題二十韻奉呈

夢得樂天

牛僧儒

胚渾何時結嵌空此日成掀崿峙龍虎闔挾恠鬼神驚帶雨
新水靜輕敲碎玉鳴攙義鋒以簇縷絡鈞絲縈奇險依

澹清通身鱗甲隱透穴洞天明醜凸隆胡準深

凹刻兕觥雷風疑欲變陰黑訝將行噤痒微寒早輪困數

片橫

愁墊壓鰲足困支撐珍重姑蘇守相憐嬾慢情

為探湖裏物不怕浪中鯨利涉餘千里山河

二字疑

僅百程

池塘初展見金玉自凡輕側眩竟猶暎周觀意漸平似逢

三益友如對十年兄

興添

消煩破宿醒媿人當綺

皓視秩即公卿念此園林寶還須別識精詩仙有劉白為

汝數逢迎

奉和牛相公題姑蘇所寄太湖石見示兼寄李蘇

州

劉禹錫

震澤生奇石沈潜得地靈初辭水府出猶帶龍宮腥發自

江湖國來榮卿相庭從風夏雲勢上漢古查形拂拭魚鱗
見鏗鏘玉韻聆煙波含宿潤苔蘚助新青嵌穴胡鷓貌織
鉅蟲篆銘孱顏傲林薄飛動向雷霆煩熱近還散餘醒見
便醒九禽不敢宿浮瑤莫能停靜稱垂松蓋鮮宜映鶴翎
忘憂常目擊素尚與心宜眇小欺湘鷺團圓笑落星徒然
想融結安可測年齡採取詢鄉老搜求按舊經垂釣入空
隙隔浪動晶榮有獲人爭賀歡謔衆共聽一州驚閱寶千
里遠揚舲覩物洛陽陌懷人吳御亭寄言垂天翼早晚起
滄溟

奉和思黯相公以李蘇州所寄大湖石奇狀絕倫

因題二十韻見示兼呈夢得

白居易

錯落復崔嵬蒼然玉一堆峯駢仙掌出鑄拆劔門開峭頂
高危矣蟠根下壯哉精神欺竹樹氣色壓亭臺隱起磷磷
狀疑成瑟瑟胚蕪稜露鋒刃清越叩瓊瑰岌業形時動鬼
峩勢欲摧奇應潛鬼恠靈含蓄風雷黛潤沾新雨班明點
古苔未應棲鳥雀不肯染塵埃尖削琅玕筍窪剜馬腦壘
海神移竭石畫障簇天台在世爲尤物於人負逸才渡江
一箬載入洛五丁推出處雖無意昇沉亦有媒拔從水府
底置何相庭隈對稱吟詩句看宜把酒杯終隨金礪用不
學玉山頽踈傳心偏愛園公眼屢迴共嗟無此分虛管太
湖來居易與夢得俱典姑蘇而不獲此石也

太湖石

前人

遠望老差峩近觀恠嶽峯總高八九尺勢若千萬尋嵌空
華陽洞重疊匡山岑邈矣仙掌迥呀然劔門深形質貫今
古氣色通晴陰未秋已瑟瑟欲雨先沈沈天姿信爲異時
用非所任磨刀不如礪擣帛不如砧何乃主人意重之如
萬金豈伊造物者獨能知我心

雜題

南海亂石山作

杜審言

漲海積稽天群山高巖地相傳稱亂石圖典失其事懸危
悉可驚大小都不類乍將雲島極還與星河次上聳或如
飛下臨仍欲隊朝暎赭丹紫夜魄烟青翠穹崇霧雨蓄幽
隱靈山閔萬尋掛鶴巢千丈垂猿臂昔去景風涉今來結

洗至觀此得詠歌長時想精異

戲題盤磬集作石

王維

可憐盤石臨泉水復有垂楊拂酒盃若道春風不解意因
何吹送落花來

織女石

童翰卿

一片昆明石千秋織女名見人虛脉脉依水更盈盈苔作
輕衣色波爲促杼聲岸雲連鬢濕沙月對眉生有臉蓮同
笑無心鳥不驚還如朝鏡裏形影兩分明

泰山石兗州從事所寄

李德裕

雞鳴日觀望遠與扶桑外集作對滄海似鎔金衆山如點黛
遙知碧峯首獨立煙嵐內此石依五松蒼蒼幾千載

海上石笋

前人

常愛仙都山奇峯千仞懸迢迢一何迥不與衆山連忽逢
海嶠石稍慰平生憶何以慰我心亭亭孤且直

疊石

前人

潺湲桂水湍漱石多奇狀鱗次冠煙霞蟬聯疊波浪今來
碧梧下迥出秋潭上歲晚苔蘚滋懷賢益惆悵

興平縣野中得落星石移置縣齋

韓琮

的的墮芊蒼茫茫不幾年幾逢疑虎將應逐犯牛仙擇地
依蘭畹題詩問錦錢何時成五色却上女媧天

文苑英華卷第一百六十一

終

文苑英華卷第一百六十二

地部四

海十五首

江三十八首

潮八首

海

早出巡行矚望山海

王均

王生臨廣隰潘子望洪河同軫懷歸思俱興年逝歌

二子承臉淚滂沱剖符瀛海外結綬層山阿因心留惻

憫恕已息煩苛繕築循時隙興動藉民和高門惟壯麗脩

雉亦駢羅層樓已門幾

二字疑

複道亦經過昧旦清陰上風

氣入織蘿雲起垂天翼水動連山波奔濤延瀾汗積翠遠

嗟峨鄉關屢回曲還顧杳蹉跎曾微蕭蕭羽望路空如何

望海

隋煬帝

碧海雖欣矚金臺空有聞遠水翻如岸遙山到似雲斷濤
還共合連浪或時分馴鷗舊可狎卉木足為群方知小姑
射誰復與臨汾

季秋觀海

孟軻叙遊聖枚乘說瘡疾迭聽乃前聞臨深驗茲日浮天

迥無岸合虛

初學記作含靈

固非一委輸百谷歸朝宗萬川溢汾

空

初學記作城

碧霧晴連洲彩雲密欣同夫子觀深愧玄虛筆

奉和望海

隋虞茂

清蹕臨溟漲巨海望滔滔十洲雲霧遠三山波浪高長瀾

疑浴日連島類奔濤神遊藐汾射睿藻冠風騷縱然雖觀

海何以效消毫

望海

祖孝徵

登高臨巨壑不知千萬里雲島相接連風濤無極已時看

遠鴻度但

類聚作

見驚鷗起不假送將歸自然傷客子

海

李嶠

習坎疏舟壑朝宗合紫微三山巨鰲湧萬里大鵬飛樓寫
春雲色珠含明月輝會同添霧露方逐衆川歸

海

宋之問

肅事祠春溟宵齋洗蒙慮鷄鳴見日出鷺下觀濤霧地潤
八荒近天廻百川澍筵端接空曲日外唯霏霧暖氣物象

來周遊晦明迓致醒匪玄享裡滌期靈煦的的波濟禽泫
泫鳥間樹安期今何在方杖茂尋路仙事與世隔旁搜徒
已屢四明北郡山遺老莫辦處中撫良自慨弱齡忝恩遇
三人文史林兩岸神仙署雖歎出關遠始知臨海趣賞來
空自多理勝孰能喻留楫竟何待徙倚忽云暮

歲暮海上作

孟浩然

仲尼既已歿予亦浮于海又見斗柄迴始知新歲改虛舟
任所適垂釣非有待爲問乘槎人滄浪復誰在

和賀蘭判官望北海作

高適

聖代務平典輶軒推上才迢停溟海際曠望滄波開四牡
未皇息三山安在哉巨鼇不可釣高浪何崔嵬湛湛朝百

谷茫茫連九咳挹沅納廣大觀異增遲迴日出見魚日月
圓知蚌胎跡非想像到心以精靈猜遠色帶孤嶼虛聲溼
殷雷風行越裳貢水遏天吳災攬轡隼將擊忘機鷗復來
緣情韻騷雅獨立遺塵埃吏道竟吾用翰林仍忝陪長鳴
謝知己所媿非龍媒

西陵口觀海

漸河

一作浙江

漫湯湯近海勢彌廣在音胚渾凝融爲百川長

地形失端倪天色潛混濘東南際萬重

一作里

極目自

一作遠

無象山影乍沉浮湖波或來往孤帆忽不見掉歌猶響濠
日暮長風起客心空振蕩浦口雲未收潭中月初上林嶼
幾遭迴亭臯時偃仰歲晏訪蓬瀛直遊非此漿

海上作

宋務光

曠哉潮汐池大哉乾坤力浩浩去無際
泐泐深不測崩騰歎衆流決漭環中國
鱗介錯殊品氛霞饒翠色天波混莫
分島樹遙難識漢主探靈怪秦皇恣
遊陟搜竒大壑東竦望成山北方術
徒相誤蓬萊安可得吾君略仙道至
化孚淳默驚浪晏窮溟飛航通絕域
馬韓底厥貢龍伯脩其職粵我遘休
明匪躬期正直敢輸鷹隼摯以問豺
狼忒海路行已殫輜輶未皇息勞歌
玄月暮旅睇滄海極魏闕眇雲端馳
心附歸翼

越中問海客

劉慎虛

風雨滄洲春一帆今始歸自言南海
萬里速如飛初謂

落何處求將無所依冥茫漸四山色
越中微誰念去時遠人經此路稀泊
舟悲且泣使我亦沾衣浮海焉用說
憶鄉難久遠縱爲魯連子山路有柴
扉

望海

周繇

蒼茫空泛日四顧絕人煙半浸中華
岸旁通異域船島間應有國波外恐
無天欲作乘槎客翻愁去隔年

蒲門戍觀海作

陳陶

廓落溟漲曉蒲門鬱蒼蒼登樓禮東
君旭日生扶桑釐見蓬瀛舍金銀光
草木露未晞蜃樓藏欲遊蟠桃國慮
涉魑魅鄉徐市惑秦朝何人在巖廊
惜哉千童子葬骨於眇茫恭聞槎客
言東池接天潢即此聘牛女曰衿長

壽方靈津水泱疑淺余亦慕脩航

南海

曹松

傾騰界漢沃諸蠻立望何如畫此看無地不同方覺遠共
天無別始知寬文魴隔霧朝含磬老蚌凌波夜吐丹萬狀
千形皆得意長鯨獨自轉身難

江

渡浙江

劉孝綽

季秋弦望後輕寒朝夕殊商人泣紈扇客子夢羅襦憂方
自難遣况復阻川隅日暮愁陰合繞樹噪寒烏濛漠江煙
上蒼茫沙嶼蕪蕪解纜辭東越接觸鷺西徂懸帆似馳驥飛
棹若驚鳧言歸遊俠窟方從冠蓋衢

泛朮康江

沈約

長枝萌紫葉清源泛綠苔山光浮水至春色犯寒來臨睨
信未矣望美暖悠哉寄言幽閨夢羅袖勿空裁

渡新安江貽京邑遊好

沈約

眷言訪舟客茲川信可珍洞徹隨深淺皎鏡無冬春千仞
寫高樹百丈見遊鱗滄浪有時濁清濟涸無津豈若乘斯
去俯映石磷磷紛吾隔囂滓寧可濯衣巾願以潺湲水霑
君纓上塵

濟浙江

任昉

昧旦乘輕風江湘忽來往或為歸波送乍逐翻江上近岸
無暇日遠峯更興想綠樹懸宿根丹崖頽久壤

奉和沅江

庾信

春江下白帝畫舸向黃牛錦纜迴沙磧蘭橈避茨洲濕花
隨水泛空巢逐樹流建平船柁下荆門戰艦浮岸社多群
樹山城足迴樓日落江風靜龍吟迥上游

夏日臨江

隋煬帝

夏簟初學記作潭蔭脩竹高崖坐長楓日落蒼江靜雲散遠山
空鷺飛林外白蓮開水上紅逍遙有餘興悵望情不終

入柳江

薛道衡

仗節遵嚴會揚舲沂急流征塗非白馬仗水勢類黃牛跳
波鳴石磧濺沫擁沙洲岸迫初學記作迴槎倒轉灘長船却浮
緣崖頻斷挽挂壁屢移鈎還憶青絲騎東方來上頭

初渡江

虞世基

歛策暫迴首掩涕望江濱無復東南氣空隨西北雲

渡漢江

李百藥

東流既泐泐南紀信滔滔水激沉碑岸波駭弄珠臯含章
映淺石浮蓋下奔濤溜濶霞光近川長曉氣高穉鳥轉輕
翼戲鳥落風毛客心既多緒長歌且代勞

王師渡漢水經襄陽

前人

導漾疏源遠歸海會流長延波接荆夔通望邇沮漳高岸
沉碑影曲淑麗珠光雲昏翠鳥沒水廣素濤揚閩川已多
歎遐睇幾增傷臨溪猶駐馬望峴欲霑裳喬木下寒葉亭
林落曉霜山公不可遇誰與訪高陽

九江口南濟北接蘄春南與潯陽岸 蘇味道
江路一悠哉滔滔九派來遠潭昏似霧前浦沸成雷鱗介
多潛育漁商幾沂泗風搖蜀枿下日照楚萍開近漱湓城
曲斜吹蠡澤隈錫龜猶入貢浮獸罷爲災律吏揮撓疾郵
僮整傳催歸心詎可問爲視落潮迴

夜渡吳松江懷古

宋之問

宿帆震澤口曉渡松江濱棹發魚龍氣舟衝鴻鴈群寒潮
頓覺滿暗浦稍將分氣赤海生日光清湖起雲水鄉盡天
衢歎息爲吳君謀士伏劍死至今悲所聞

漢江

前人

嶺外音書斷經冬復歷春近鄉情更怯不敢問來人

夜渡江

姚元崇

夜渚帶浮煙蒼茫晦遠天舟輕不覺動纜急始知牽聽草
遙尋岸聞香暗識蓮唯看孤帆影常恐客心懸

春江晚景

張九齡

江林皆秀發雲日復相鮮征客那逢此春心益眇然興來
祇自得佳處莫能傳薄暮津亭下餘花落客船

初入湘江

集作中

有喜

前人

征鞍窮郢路歸棹入湘流望鳥唯貪疾聞猿亦罷愁兩邊
楓作岸數處橘爲洲却計從來意翻疑夢裏遊

湘江水中作

前人

湘流繞南嶽絕目轉青青懷綠未云已瞻途屢所經煙與

宜春望林猿莫夜聽末路日多緒孤舟天復冥浮波從此
去嗟嗟勞我形

漢江臨泛

王維

楚塞三湘接荆門九派通江流天地外山色有無中郡邑
浮前浦波瀾動遠空襄陽好風月留醉與山公

凌朝浮江旅思

韋承慶

天晴上初日春水送孤舟山遠疑無樹湖平似不流岸花
榮且落江鳥沒還浮羈望傷千里長歌遣四愁

江上逢春

張均

離愁耿未知春慮忽蹉跎擇木猿知去尋泥鷺獨過驚花
翻霽日垂柳拂煙波激意屢怡賞無如鄉念何

和李侍御渡松滋江

孟浩然

南紀西江潤皇華御史雄截流寧假楫挂席自生風
峒峩爭攀鷁魚龍亦避驄坐聞白雪唱翻入棹歌中

橫江詞四首

李白

橫江西望阻西秦漢水東流揚子津白浪如山那可渡
狂風愁殺峭帆人

二

海神東過惡風迴浪打天門石壁開浙江八月何如此
濤似蓮山噴雪來

三

人言橫江好儂道橫山惡猛風吹倒天門山
集作猛風三日吹倒山

白浪高於瓦官閣

四

日集作暈天風霧不開海鯨東蹙衆川迴驚波一起三山動公莫渡河歸去來

江上琴興

常建

江上調玉琴一弦清一心冷冷七絃遍萬木澄幽陰能使江月白又令江水深始知梧桐枝可以徽黃金

此詩二百二十二卷重出今已削去注異同爲一作

與鮮于庶子泛漢江

岑參

急管更須吹金盃莫遣遲酒光紅琥珀江色碧琉璃日影浮歸棹蘆花背釣絲山公醉不醉問取葛強知

江上愁思二首

陳羽

江山翁開門開門向衰草只知愁子孫不覺生涯老

二

江上草莖枯莖枯葉復焦那堪芳意盡夜夜沒寒潮

江頭

張籍

晚涉隨江遠來帆過眼頻試尋新住客少見故鄉人迴首憐歸翼長吟在此身應同南浦鴈更見嶺頭春

九江北岸遇風雨

白居易

黃梅縣邊黃梅雨白頭浪裏白頭翁九江濶處不見岸五月將盡多惡風人間穩路應無限何事拋身來此中

此詩二百九十三卷重出今已削去

漢江

杜牧

溶溶漾漾白鷗飛，綠淨春來好染衣。
南去北來人自老，夕陽長送釣船歸。

嘉陵江

薛逢

備問嘉陵江水湄，百川東去爾西之。
但教清淺源流在，路朝宗會有期。

江岸即事

温庭筠

水容侵古岸，峯影度青蘋。
廟竹唯聞鳥，江帆不見人。
雀聲花外暝，客思柳邊春。
別恨轉難盡，年年集作行行汀草新。

江邊

趙嘏

終日勞車馬，江邊款竹扉。
殘花春浪濶，小酒故人稀。
戍鼓

客帆遠，津雲夕照微。
何由兄與弟，俱及暮春歸。

江際

鄭谷

杳杳漁舟破暝煙，踈踈蘆葦舊江天。
那堪流落逢搖落，可得潛然是偶然。
萬頃白波迷宿鷺，一林黃葉送寒蟬。
兵車未息年華促，早晚閑吟向滌川。

濟浙江

陳陶

適越一輕艘，凌競截鷺濤。
曙光金海近，晴雪玉峯高。
靜寇思投筆，傷時欲釣鰲。
壯心殊未展，登涉漫勞勞。

此詩二百九十五卷重出，今已削去。
注異同爲一作

桂江

曹松

未識佳人尋桂水，水雲先解傍壺觴。
筵林次第添班竹，鷓

鳥參差護錦囊南中有錦囊鳥乳洞此時連越井石樓何日到仙鄉如飛似墮皆青壁盡手不強元化強

詠潮

賦得觀潮類聚滿作濤

任昉

雲容雜浪起楚水漫吳流漸看遙樹沒稍見碧天浮漁人迷舊浦海鳥失前洲不測滄溟曠輕鮮幸自游

上虞卿亭觀濤津渚學潘安仁河陽縣詩

劉孝綽

昔余筮賓始衣冠仕洛陽無貲徒有任一命忝為郎再踐神仙側三入崇賢傍東朝禮髦俊虛薄厠才良遊談侍名理搦管創文章引籍陪下膳橫經叅上庠誰謂服事淺契

潤變炎涼一朝謬為吏結綬去承光烹鮮徒可習治民終

未長化鷄仰季智馴雉推仲康魯恭字也此城隣夏穴楠蠹茂

筠篁孝碑黃絹語神濤白鷺翔遨遊住可望釋事上川梁

秋江凍雨絕反景照移塘織羅殊未動駭水忽如湯乍出

連山合時如高蓋張漂沙黃沫聚磐石素波揚傍人不敢

唱舟子詎能航離家復臨水眷然思故鄉中來不可絕奔

奔苦人腸泝洄若無阻謝病反清漳

乘潮至漁浦作

陶翰

艤舟乘早潮潮來如風雨樟亭忽已隱界峯莫及覩崩騰

心為失浩蕩目無主脛燼疑浪始開漾漾入漁浦雲景共

澄霽江山相吞吐偉然造化靈此事已終古流沫誠足誠

高歌調易苦頗因忠信全客念猶栩栩

樟亭觀濤

濤來勢轉雄
獵獵架長風
雷震雲霓裏
山飛霜雪中
激流吹滂上
侵空翕闢乾坤異
盈虛日月同
艚艦從陸起
州浦隔阡通
跳沫噴巖翠
翻波帶景紅
怒湍初抵北
却浪浚疑作復歸東
寂聽堪增勇
晴看自發蒙
伍生傳或謬
枚叟說難窮
來信應無已
申威亦匪窮
衝騰如决勝
迴合似相攻
委質任平視
誰能涯始終

看潮

浙江悠悠海西曲
一日波濤兩翻覆
錢塘郭裏看潮人
直到白頭看不足

觀濤二首

朱慶餘

不知來遠近
但見白峨峨
風雨翻前駐
魚龍逆上波
聲長勢未盡
曉去夕還過
要路橫天塹
其如造化何

二

木落霜飛天地清
空江百里見潮生
鮮鱸山疑海魚龍氣
晴雪噴山雷
鼓聲雲日半陰川
漸滿客帆皆過浪
難平高樓曉望無窮意
丹葉黃花繞郡城

潮集作錢塘江潮

羅隱

怒聲洶洶勢悠悠
羅刺江邊地欲浮
漫道往來存大信也
知翻覆向平流
狂拋巨浸疑傾底
猛過西陵似有頭
至竟朝昏誰主掌
好騎頰尾問陽侯

文苑英華卷第一百六十二

文苑英華卷第一百六十三

詩十三

地部五

河四首

湖十一首

潭八首

水二十七首

泉七首

河

渡黃河

范雲

河邊

類聚作流

迅且濁湯湯不可陵檜楫難為榜松舟纔自勝

空亭偃舊木荒疇餘故塍不覩行人跡但見狐兔興寄言

河上老此水何當澄

渡河北

王褒

秋風吹木葉還似洞庭波常山臨代郡亭障遠黃河心悲
異方樂腸絕隴頭歌薄暮臨征馬失道北山河暮臨一作暮驅

此詩二百八十九卷重出今已削去注異同為一作

渡黃河

江惣

葱山淪外域鹽澤隱遐方兩京分際遠九道派流長未殫
所聞見無待驗詞章留連嗟太史惆悵踐黎陽導波縈地
節疏氣耿天潢憫周沉用寶嘉晉肇為梁

渡河北

連旌映淑浦疊鼓沸汀洲桃花長新浪竹箭下奔流塞雲
臨連艦胡風入陣樓劍拔蛟將出驂驚蠹欲浮鴈書終立
効燕相果封侯勿恨閑河遠且寬邊地愁

湖

治西湖

史氏導漳水西門溉河潮圖始未能悅克終良可要擁鍾
勸年首提爵勞春朝平臯草色嫩通林鳥聲嬌已集故池
鷺齊蒔新田苗何吁畚築苦方驩魚稻饒

汎宮亭湖

劉剛

廻艦承派水舉帆逐分風滉瀆疑無際飄颻似度空檣烏
排鳥路舡影沒河宮孤石滄波裏匡山苦霧中寄謝千金
子安知萬里蓬

渡青草湖

洞庭春溜滿平湖錦帆張源水桃花色湘流杜若香穴去

茅山遠初學記作近江連巫峽長帶天澄迥碧映日動浮光行舟逗遠樹度鳥息危檣滔滔不可測一葦詎能航

此詩二百八十九卷重出今已削去

洞庭湖 宋之問

地盡天水合朝及洞庭湖初日當中涌莫辨東西隅晶耀因何在澄熒心欲無靈光晏海若游氣耿天樞張樂軒皇至征苗夏禹徂楚臣悲落葉堯女泣蒼梧野積九江潤山通五嶽圖風恬魚自躍雲夕鴈相呼獨此臨泛漾浩將人代殊未言洗氛濁卒歲為清娛要使功成退徒勞越大夫

別滬湖 張說

念別滬湖去浮舟更一臨千峯出浪險萬木抱煙深南郡

延恩渥東山戀宿心露花香欲醉時鳥轉餘音涉趣皆留賞無竒不遍尋莫言山水間幽意在鳴琴

泛太湖書事寄微之 白居易

煙渚雲帆颯颯通飄然舟似入虛空玉盃淺酌巡初匝金管徐吹曲未終黃夾纈林寒有葉碧琉璃水淨無風避旗飛鷺翩翩白鷺鼓躍魚拔刺紅澗雪壓多松偃蹇巖泉滴又石玲瓏書為故事番湖上吟作新詩寄浙東軍府威容從道盛江山氣色定知同報君一事君應羨五宿澄波皓月中

憶東湖 李紳

菱歌羅唱鷓舟迴雪鷺銀鷗左右來霞散浦邊雲錦截月

昇湖面鏡波開魚驚翠羽金鱗躍蓮脫紅衣紫葍摧淮口
值春偏悵望數株臨水是寒梅

和唐中丞開淘西湖暇日遊泛 朱慶餘

萍岸新淘見碧霄中流相失忽成遙空餘孤嶼來時景無
復橫槎礙柳條紅旆路幽山翠濕錦帆風起浪花飄共知
浸潤同雷澤何慮川源有旱苗

南湖

湖上微風小檻涼翻翻菱荇滿迴塘野舡著岸入春草水
鳥帶波飛夕陽蘆葉有聲疑露雨浪花無際似瀟湘飄然
蓬艇東歸客盡日相看憶楚鄉

鏡湖西島言事

慵拙幸便荒僻地縱聞猿鳥亦何愁偶因藥酒欺梅雨却
著寒衣過麥秋歲計有餘添橡實生涯一半在漁舟世人
若便無知己應向此溪成白頭

洞庭湖

曹松

東西南北各連空波上唯留小朶峯長與岳陽翻鼓角不
離雲夢轉魚龍吸翅日月過千頃鋪盡星河剩一重直到
峽餘還作陸是時應有羽人逢

潭

旦發漁洞潭

丘遲

漁潭霧未開赤亭風已颺擢歌發中流鳴鞞響杏障村童
忽相聚野老時一望詭恠石異象蘄絕峯殊狀森森荒樹

齊析析寒沙漲藤垂島易陟岸傾巖難傍信是未幽棲豈
徒暫清曠坐嘯昔有委計治今可尚

秋日題南陽潭壁

獨坐秋陰生悲來從此滴行見汝陽潭飛蘿蒙水石懸飄
木葉上風吹何歷歷幽人不耐煩振杖閑步寂迴流清見
底金沙覆銀礫錯落非一丈空甃幾千尺江湘魚鱗紫鴨
毛自然碧吟詠秋水篇渺然忘損益秋水隨形影清濁混
心迹歲暮歸去來東山余宿昔

萬山潭

孟浩然

垂釣坐盤石水清心益閑魚遊潭樹下猿吼島藤間神女
昔解珮傳聞於此山求之不可得沿月棹歌還

萬丈潭

杜甫

青溪合冥冥神物有顯晦龍依積水蟠窟壓萬丈內跼步
凌垠堦側身下煙靄前臨洪濤寬却立蒼石大山危一徑
盡岸絕兩壁對削成根虛無倒影垂澹瀨黑如灣環底清
見光炯碎孤雲倒來深飛鳥不在外高蘿成帷幄寒木疊
旌旆遠川曲通流嵌竇潛洩瀨造幽無人境發興自我輩
告歸遺恨多將老斯遊最閉藏脩鱗蟄出入巨石礙何當
炎天過快意風雨會

龍潭

韋應物

激石懸流雪 灣九龍潛處野雲閑欲行甘雨四天下且
隱登潭一頃間浪引浮槎依北岸波分晚日見東山垂髯

儻遇穆王駕閬苑周遊應未還

宿潭上二首

夜潭有仙舸與月當水中嘉賓愛明月遊子驚秋風

二

青蒲野波白水露明月天夜中秋風起心事坐茫然

潭上作

張喬

竹島殘陽煙疑翠微雪翎禽過碧潭飛人間未有關身事
每到漁家不欲歸

水

登隄望水

梁孝元帝

驅馬河隄上非謂城遇遊懷山殊未已徒然勞九愁旅泊

依村樹江槎擁戍樓高岸翻成浦曲港及通舟棗野良知
歎瓠河今可倚願假宣尼術泗水却橫流

太子湫落日望水

劉孝綽

川平落日迴落照蒲川洋復在淪波地派別引沮漳耿耿
流長脉熠熠動輕光寒鳥逐槎泛驚鷗拂浪翔臨流自多
羨况此還故鄉傍人夜理檝權女闇成裝欲待春江曙爭
塗向洛陽

賦得臨水

沈君攸

開筵臨桂水攜手望桃源花落圓文出風急細流翻光浮
動岸影浪息累沙痕浪清自可悅濯纓何用論

望渭水

庾信

樹似新亭岸沙如龍尾灣猶言吟暝浦應有落帆還

詠水三首

釋慧標

曾添踈勒井經湧二師營王津花色亮銀溪錦磧明舟如
空裏泛人似鏡中行持符上善利物動高情

二

驪泉紫闕映珠浦碧沙連岸隔蓮香遠流清雲影深風潭
如拂鏡山溜似調琴請君看皎潔知有澹然心

三

長川落日照深浦漾清風弱柳垂江翠新蓮夾岸紅舡行
疑泛迥月映似沉空願逐琴高戲乘魚入浪中

同前

張文琮

標名資上善流派表靈長地圖羅四瀆天文載五潢方流
含玉潤圓折動珠光獨有蒙園吏栖偃玩濠梁

賦得方塘含白水

李巨仁

白水溢方塘森森素波揚疊浪搖鳧影連漪寫鴈行長堤
柳色翠夾岸荇花黃觀魚自有樂何必在濠梁

玉澤嶺遭洪水

孔德紹

地籟風聲急天津雲色愁悠然百川湍俄爾萬頃浮還似
金堤溢翻如碧海流驚濤搖起鷺廻岸不分牛徒知懷趙
景終是倦陽候木梗誠無託蘆灰豈暇求思得乘槎便蕭
然河漢遊

日暮望涇水

導源經隴阪，屬汭貫羸都。下瀨波恒急，廻澌溜亦紆。毒流秦卒斃，泥糞漢田腴。獨有迷津客，懷歸軫暮途。

水

列名通地紀，踈派合天津。波隨灰集作月色淨，態逐桃花春。

照霞如隱石，映柳似沉鱗。終當挹上善，屬意談交人。

春水

杜甫

三月桃花浪，紅流復舊痕。朝來沒沙岸，碧色動柴門。接縷垂芳餌，連筒灌小園。不知無數鳥，何意便相喧。

望水

司空曙

高原晴見水，楚色藹相和。野極空如雪，天遙不辨波。求無人跡到，獨有鳥聲過。况在蒼茫外，殘陽照更多。

分流水

古時愁別淚，滴作分流水。日夜東西流，分洑幾千里。通塞兩不見，波瀾各自起。與君相背飛，去去心如此。

遠水

于武陵

悔作望南浦，望中生遠愁。因知人易感，為見水東流。欲附故鄉信，不逢歸客舟。萋萋兩岸草，又度一年秋。

御溝水

釋無可

鑿禁疏雲數道開，風岸柳拂青苔。銀波玉沫空池去，曾歷千巖萬壑來。

大水

薛逢

暴雨隨驚雷，從風忽驟來。浪驅三島至，江浙二儀開。勢恐

圓樞折聲疑厚軸推冥心問元化天眼幾時開

遠水

馬戴

蕩漾空沙際虛明入遠天秋光照不極鳥色去無邊勢引
長雲斷波凝片雪連汀洲杳難到萬古覆蒼煙

同前

項斯

渺渺浸天色一邊生晚涼潤含萍勢遠寒入鴈愁長北極
連平地南流接故鄉扁舟當宿處髣髴似瀟湘

西蜀淨衆寺題水

鄭谷

竹院松廊分數派不空清泚亦透迤落花相逐向何處幽
鳥獨來無限時洗鉢老僧臨岸久釣魚閑客卷綸遲晚晴
一片連莎綠悔與滄浪舊有期

水

韓喜

方圓不定性空求東注滄溟早晚休高截碧塘長耿耿遠
飛青嶂更悠悠瀟湘月浸千年滄疑夢澤煙含萬古愁別
有嶺頭嗚咽處爲君分作斷腸流

潯陽觀水

朝宗漢水接陽臺哈呀填坑吼作雷莫見九江平穩去還
從三峽嶮巖來南經夢澤寬浮日西出岷山劣泛杯直至
滄溟涵貯盡沉深不動浸昭回

流水

羅業

漾漾悠悠幾派分中浮短艇與鷗群天街帶雨含芳草玉
洞飄花下白雲靜稱一竿持處見急愁孤館覺來聞隋家

文苑英華 卷一百一十五
九
擲畔偏堪恨東日疑長淮日又曛

歎流水

人間虛謾惜花落花落明年依舊開却最堪悲是流水便
同人事更無迴

御溝水

王貞白

一帶御溝水綠槐相蔭清此泉濟帝澤無處濯塵纓鳥道
來雖險龍池到自平朝宗本心切願向急流傾

水邊

羅隱

野水無情早晚迴二字集作去不水邊花好爲誰開祇知事逐眼
前過不覺老從頭上來窮似丘軻休歎息達如周邵亦塵
埃思量此理何人會蒙邑先生最有才

泉

答長安崔少府叔封遊終南翠微寺太宗金沙泉

見寄

李白

河伯見海若傲然誇秋水小物暗遠圖寧知通方士多君
紫霄意獨往蒼山裏地古寒雲深巖高長風起初登翠微
嶺復憇金沙泉踐苔朝霜滑弄波夕月圓飲彼石下流結
蘿宿溪煙鼎湖夢淥水龍駕空茫然早行子午關却登山
路遠滅琴聽霜猿拂燭乃星飯人煙無明集作同異鳥道絕
往返攀崖倒青天下視白日晚既遇石門隱還唱石潭歌
涉雪蹇紫芳濯纓想清波此人不可見此地君自過爲余
謝風泉其如幽意何

一公新泉

劉長卿

東林一泉出復與遠公期淺石春集作石流處空山暮落

時夢閑歸集作細響慮淡對清漪動靜皆無意唯應道者

知

同前

嚴維

山下新泉出冷冷此發源落池纔有響漬石未成痕獨映
孤松色殊分衆鳥喧唯當清夜月觀此起禪關

宜豐新泉

釋靈一

泉源新涌出洞徹映纖雲稍落芙蓉沼初淹苔蘚文了將

空色淨一作素將素一作與衆流分每到青霄月冷冷夢

裏聞

山下泉

皇甫曾

漾漾帶山光澄澄倒林影那知石上喧却益山中靜

泉一字至

張南史

泉色淨苔蘚石上激雲中懸津流竹樹脉亂山川扣玉十
聲應含風百道連太液併歸池上雲陽舊出宮邊北陵井
深鑿不到我欲添淚作潺湲

山下泉

李端

碧水映丹霞澌七露淺沙暗通山下草流出洞中花素色
和雲落寒聲遶石斜明朝更尋去應到劉郎家集作阮郎家

文苑英華卷第一百六十三

地部六

詩十四

泉一十四首

雜題二十五首

瀑布十首

昆明池十首

曲江五首

泉

温湯三首

聽夜泉

張籍

細泉深處落夜久漸聞聲獨起出門聽欲尋當澗行還疑
隔林遠復畏有風生月下堪留此無人亦到明

僧院有泉

姚合

泉眼高千丈

集作尺

山僧取得歸架空橫竹引鑿石透渠飛

洗藥溪流濁澆花雨力微朝昏長遠看護惜似持衣

方山寺松下泉

章孝標

石脉綻寒光松花噴曉霜注瓶雲母滑漱齒茯苓香野客
偷剪茗山僧惜淨床三禪不要問孤月在中央

憶四明山泉

施肩吾

愛彼山中石泉水幽聲夜夜落空裏至今憶得卧雲時猶
自涓涓在人耳

聽夜泉

劉得仁

靜裏層層石潺湲到鶴林迴流出幾洞源遠歷千岑寒助
空山月清兼此夜心幽人聽達曙難罷蘇床吟

和鄭校書夏日遊鄭泉

前人

太虛懸畏景古木蔽清陰爰有泉堪挹閑思日可尋來聞
鳴滴滴照踈碧沉沉幾脉成溪壑何人測淺深澄時無一
物分處歷千林淨漑靈根藥涼浮玉翅禽飲疑蠲宿疾見
自失煩襟僧共雲前瀨疑龍聽月下吟疊光輕吹動半底
曉霞侵不用頻遊去令君少進心

秋晚日少陵原遊山泉之什

楊發

喧濁侵肌性未沉每來雲外恣幽尋塵衣更喜秋泉潔倦
跡方依竹洞深暫過偶然應繫分有期終去但勞心唯憐
一夜空山月似許他年伴獨吟

山泉

半空飛下水勢去響如雷靜撤啼猿寺高陵坐客臺耳同

經劍閣身若到天台
濺樹吹成凍隣祠觸作灰
深中試柳栗淺處落莓苔
半夜重城閉潺湲枕底來

經漢武泉

趙嘏

芙蓉苑裏起清秋
漢武泉聲落御溝
他日江山映蓬鬢
二年楊柳別漁舟
竹間駐馬題詩去
物外何人識醉遊
盡把歸心付紅葉
晚來隨水向東流

青鳥泉

張喬

祇此沉仙翼瑤池似不遙
有聲懸翠壁無勢下丹霄
淨瀨古煙霞古寒原草木凋
山河幾更變幽咽到唐朝

石門山泉

鄭谷

一脉清冷何所之
縈莎漱蘚入僧池
雲邊野客窮來處
石

上寒猿見落時聚沫遶槎殘
雪在迸流穿樹墜花隨烟春
雨晚閑吟去不復遠尋皇子陂

題東林寺虎掎泉

周繇

勝致通幽感靈泉有虎掎瓜
檜山脉斷掌托石心坳竹藹
疑相近松陰蓋亦交轉令棲
遁者真境愈難拋

野泉

張蠩

遠出白雲中長年聽不同
一作窮細聲縈亂石
一作亂石寒色入

長空挂壁聊成雨穿林別起
風溫泉非爾類源發在深宮

商山夜聞泉

曹松

瀉月聲不斷坐來心益閑
無人知落處萬木冷空山
遠憶雲容外幽疑石縫間
那辭通曙聽明日度藍關

瀑布

湖口望廬山瀑布

張九齡

萬丈洪泉落迢迢半紫芬奔飛下雜樹灑散出重雲日照虹蜺似天清風雨聞靈山多秀色空水共氤氳

入廬山仰望瀑布

前人

絕頂有懸泉喧喧出烟杪不知幾時歲但見無昏曉閃閃青崖落鮮鮮白日皎灑流濕行雲濺沫驚飛鳥雷吼何噴薄箭馳入窈窕吾聞山下蒙今乃林巒表物性有詭激坤元曷紛矯默然置此去變化誰能了

翫廬山瀑布

李白

西登香爐峯南見瀑布水挂流三千丈噴壑數十里剡如

飛練來隱若白虹起初驚河漢落

一作銀河落

半灑雲天裏仰

觀勢轉雄壯哉造化功海風吹不斷江月照還空空中亂灑射左右洗青壁飛珠散輕霞流沫沸穹石而我遊名山對之心益閑無論漱瓊液且得洗塵顏仍諧宿所好未願辭人間

廬山瀑布

前人

廬山上與斗星連日照香爐生紫烟飛流直下三千丈疑是銀河落九天

瀑布泉

冷朝陽

潺湲半空裏霖落石房邊風激珠光碎山歎連影偏急流難起浪迸沫祗如烟自古惟今日淒涼一片泉

廬山瀑布

徐凝

瀑布瀑布千丈直雷奔入海不暫息今古長如白練飛一條界破青山色

瀑布

章孝標

秋河溢長空天灑萬丈布深雷隱雲壑孤電掛巖樹滄溟晚噴寒碧落晴盪素非趨下流急勢使不得住

東山瀑布

方干

遙夜看來疑月照平明失却集作去被雲迷掛巖遠勢穿松島落地集作擊石殘聲注稻畦素色噴成三伏雪餘波流作萬年溪若非真宰能開決應向前山雜淤泥

天台瀑布

曹松

萬仞得名云瀑布遠看如織掛天台休疑寶尺難量度直恐金刀易剪裁噴向林梢成百髮雪傾來石上作春雷欲知便是銀河水墜落人間合却迴

廬山瀑布

裴說

靜景憑高望光分翠嶂開嶮飛千尺雪寒撲一聲雷過去雲衝斷旁來燒隔迴何當住峯下終歲絕塵埃

雜題

賦得曲澗

劉孝威

澗流急易轉溪水暗難開近樓俄已失前洲忽蕩迴石岸生寒蘚沈根漬水苔菱舟失道去歸鳥迷逕來

嚴陵瀨

任昉

文苑英華 卷一百一十四
五
群峯此峻極參差百里嶂清淺既連澗激石復奔壯神物
徒有造終然莫能狀

夕逗繁昌浦

劉孝綽

日入江風靜安波似未流崖迴知舳轉解纜覺船浮暮煙
生遠渚夕鳥赴前洲隔山聞戍鼓傍浦喧棹謳疑是辰陽
宿於此逗孤舟

晚出新亭

陰鏗

大江一浩蕩離悲足幾重潮落猶如蓋雲昏不作峯遠戍
惟聞鼓寒山但見松九十方稱半歸途詎有蹤

詠浮漚

已見一百五十五卷

鄭縉

進船泛洛水

薛慎感

禁園紆睥覽仙棹叶時遊洛北風花樹江南彩畫舟芳生
蘭蕙草春入鳳凰樓興盡離宮暮烟光起夕流

泛前陂

王維

秋空自明迴况復遠人寰集作間暢集作楊以沙際鶴兼之雲
外山澄波集作陂澹將夕清月皎方閑此夜任孤棹夷猶殊

未還

牛渚磯

李白

絕壁臨巨川連峯勢相向亂石流湍澗迴波自成浪但驚
群木秀莫測精靈狀更聽夜啼憂心醉江上

尋龍湫

孫逖

仙穴尋遺迹輕舟愛水鄉溪流一曲盡山路九峯長漁父

歌金洞江妃舞翠房遙憐葛仙宅真氣共微茫

石頭瀨

崔國輔

悵矣秋風時余臨石頭瀨因高見遠境望盡此州內羽山
一點青海岸雜花碎離離樹木少森森湖波大日暮千里
帆南飛落天外須臾遂入夜焚色有微靄尋遠路已窮遺
榮事多昧一身猶未理安得濟時代且疑朝泛夕潮荷衣
蕙為帶

宿范浦

月暗潮又落西陵渡暫停村煙和海霧舟火亂江星路轉
定山遶塘連范浦橫鳴夷近何去空山臨滄溟

泊楊子津

祖詠

纔入維揚郡鄉山此地遙林殘初霽雨風退欲歸潮江火
明沙岸雲帆礙浦橋客衣今正薄寒夜昨來饒

橫龍渡

劉長卿

空傳古岸下曾見蛟龍去秋水晚沈沈猶疑在深處亂深
沙上石倒影雲中樹獨繫一扁舟樵人往來渡

與鄧縣郡官泛漾陂

集作與鄧縣官泛
漾陂岸澗水浮

岑參

萬頃浸天色千尋窮地根舟移城入樹岸澗水浮村閑鷺
驚簫管潛蛇傍酒罇暝來呼小吏列火儼歸軒

西陵渡寄一公

皇甫冉

西陵遇潮處自古是通津終日空江上雲山若待人汀洲
寒事早魚鳥興情新回望山陰路吾心有所親

酬皇甫冉西陵渡見寄

釋靈一

西陵潮信蒲島巖入中流越客依風水相思南渡頭寒光
生極浦暮雪映滄洲何事揚帆去空驚江上鷗

游元象泊

釋泚

空水潮色淨澹然湖上心舳艫輕且進汀洲如可尋秋風
泃泝險落日波濤深寂寞武侯去中流方至今

泊揚子津

盧綸

山影南徐暮千帆入古津魚驚出浦火月照渡江人清鏡
悲雙鬢滄波寄一身空憐芳草色長接故園春

滁州西澗

韋應物

獨憐幽草澗邊生上有黃鸝深樹鳴春潮帶雨晚來急野

渡無人舟自橫

淮上秋夜

劉方平

旅夢何時盡征途望每賒晚秋淮水上新月楚人家猿嘯
空山近鴻飛極浦斜明朝南岸去定折桂枝花

每

集作

發壽安次承

集作

濟渡

許渾

東西車馬塵鞞洛與咸秦山月夜行客水烟朝渡人樹涼
風浩浩沙淺石磷磷會待功名就扁舟寄此身

長洲

趙嘏

扁舟殊不繫浩蕩路纔分范蠡湖中樹吳王苑外雲悲心
人望月獨夜鴈離群明發還驅馬關中見日曛

夜入湘中

馬戴

洞庭人夜到孤棹入湘中露洗寒山遍波搖楚月空密林
飛暗狎廣澤發鳴鴻行抵揚帆者江分又不同

漢陂

鄭谷

昔事東流共不回春深獨向漢陂來山前別業依稀在雨
裏梨花寂寞開却展魚絲無野艇舊題詩句沒蒼苔潸然
回顧難消遣祇有佯狂泥酒盃

秋浦

羅隱

晴川倚落暉極目鬼依依野色寒來淺人家亂後稀久遊
身不達多病意常違還有漁船在時時夢裏歸

曲江

曲江早秋

白居易

秋波紅蓼水夕照青蕪岸獨信馬蹄行曲江池四畔早涼
晴後至殘暑暝來散方喜炎燠銷復嗟時節換我年三十
六冉冉昏復旦人壽七十稀七十新過半且當對酒笑勿
起臨風歎

曲江

細草岸西東酒旗搖水風樓臺在花杪鷗鷺下煙中翠幄
晴相接芳洲夜暫空何人賞秋景興與此時同

曲江春

張喬

尋春與送春多遶曲江濱一片鳧鷖水千秋輦轂塵岸涼
隨衆木波影逐遊人自是遊人老年年管吹新

春遊曲江

俞坦之

誤入杏花塵晴江一看春菰蒲雖似越骨肉且非秦曲岸
藏翹鷺垂楊拂躍鱗徒憐汀草色未是醉眠人

曲江春感

羅隱

江頭日暖花又開江東行客心悠哉高陽酒徒半凋落終
南山色空崔嵬聖代也知無棄物侯門未必用非才一船
明月一竿竹家住五湖歸去來

昆明池

和靈法師遊昆明池二首

庾信

遊客重相懽連鑣出上蘭值泉傾蓋飲逢花住馬看平湖
泛玉舳高堰歇金鞍平道聞荷氣中流覺水寒

二

秋光麗晚天鷓舸泛中川密菱障浴鳥高荷投釣舡碎珠
縈斷菊殘絲繞折蓮落光催十酒栖鳥送一絃

和人日晚景宴昆明池

前人

餘春足光景趙李舊經過士林棗腰細新豐酒徑多少船
行釣鯉新盤待滴荷蘭臯徒稅駕何處有凌波

秋日遊昆明池

江惣

靈類聚沼蕭條望遊人意緒多終南雲影落渭北雨聲過
蟬噪金堤柳鷺飲石鱗波珠來照似月織處寫成河此時
臨水歎非復採蓮歌

同前

薛道衡

灞陵因靜退靈池暫徘徊新船木蘭楫舊宇豫章材荷心

宜露泫竹徑重風來魚潛疑刻石沙暗似沉灰琴逢鶴欲
舞酒遇菊花開羈心與秋興陶然寄一杯

賦昆明池一物得織女石

虞茂

隔河圖列宿清漢象昭回支機就鯨石拂鏡取池灰舡疑
海槎渡珠似客星來所恨雙蛾歛逢秋遂不開

秋遊昆明池

元行恭

旅客傷羈遠樽酒慰登臨池鯨隱舊石岸菊聚新金陣低

雲色近行高鴈已

初學記作影

深歆荷瀉圓露臥柳橫清陰衣

共秋風冷心學古灰沉還似無人處幽蘭入雅琴

和許侍郎遊昆明池

李百藥

神池望北極滄波接遠天儀星似河漢落景類虞泉年深

平館宇道泰偃戈船差池下鳧雁掩映生雲烟浪花開已

合風文直且連稅馬金堤外橫舟石岸前羽觴傾綠蟻飛

日落紅鮮積水浮深智明珠曜雅篇大鯨方遠繫沉灰獨

未然知君嘯傳侶短翮徒聯翩

和七月七日臨昆明池

任希古

秋風始搖落秋水正澄鮮飛眺牽牛渚激賞鏤鯨川岸珠

淪曉魄池灰歛曙烟泛查分瀉漢儀星別構天雲光波颭

動日影浪中懸驚鴻結蒲戈遊鯉入莊筌萍葉疑江上菱

花似鏡前長林代輕幄細草即芳筵文華開翠瀨筆海控

清漣不挹蘭罇聖空仰桂卅仙

昆明池晏坐答王兵部珣三韻見示 蘇頲

畫舸疾如飛遙遙泛夕暉石鯨吹浪隱玉女涉塵歸獨有
銜恩處明珠在釣磯

溫湯

浴溫湯

驪岫猶懷土新豐尚有家神井堪消疹溫泉足蕩邪紫苔
生石岸黃葉擁金沙振衣殊未已翻能使停車

同崔員外溫泉即事

郭汭

輦輅移雙闕宸遊整六師天廻紫微座日轉羽林旗霜氣
寒戈戟軍容壯武貔弓鳴射鴈麋泉暖躍龍時惠化成觀
俗謳謠入賦詩同歡王道盛相與詠雍熙

溫湯即事

天仗星辰轉霜冬景氣和樹含溫液潤山入繚垣多丞相
金錢賜平陽玉輦過接輿來自楚朝夕值行歌

文苑英華卷第一百六十四

文苑英華卷第一百六十五

詩十五

地部七

池二十五首

游泛三十八首

池

和山池

庾信

樂官多暇豫望苑暫回輿鳴笳陵絕限飛蓋歷通渠桂亭
花未落桐門葉半踈荷風驚浴鳥橋影聚行魚日落含山
氣雲歸帶雨餘

玄圃濬池

王褒

長沙春水蒲臨汎廣川中石壁如明鏡飛橋類飲虹垂楊
夾浦綠新桃綠樹紅對樓還泊岸迎波暫守風漁舟釣欲

蒲蓮房珠半空於茲臨北閣非復坐墟東

山池應令

徐陵

畫舸圖仙獸飛艤挂采旂榜人事輕漿約女理銀鈎細萍
時帶檝低荷乍入舟猿啼知谷晚蟬思覺山秋

奉和山池

前人

羅浮無定所鬱鳥屢遷移不覺因風雨何時入後池樓臺
非一勢臨翫自多奇雲生對戶石後掛入欄枝

經豐城劔池

陰鏗

清池自湛淡神劔久遷移無復連星氣空餘似月池夾篠
澄深谷類聚作淥含風結細漪唯有蓮花萼還想匣中雌

唐都尉山池

崔湜

曲渚颺輕舟前溪釣晚流鴈翻蒲葉起魚撥荇花遊金子
懸湘柚珠房圻海榴幽尋惜未已清月半西樓

萍池

王維

春池深且廣會待輕舟迴靡靡綠萍合垂楊掃復開

題榮二山池

孟浩然

甲第開金穴榮期樂自多捩嘶支遁馬池養右軍鵝竹引
携琴入花遊載酒過山公來取醉時唱接籬歌

題沈東美員外山池

仙郎偏好道鑿沼象瀛洲魚樂隨情性舡行任去留秦人
辨鷄犬堯日識巢由歸客衙門外仍憐反景幽

觀崔郎中張新池

盧綸

引水春山近穿雲復遶林纔聞籬外響已覺石邊深蒲處
侵苔色澄來見柳陰微風明月夜知有五湖心

題興善寺後池

前人

隔牕棲白鳥似與鏡湖隣日照何年樹花逢幾遍人岸莎
青有露苔徑綠無塵未願客依止僧中老此身

秋池二首

白居易

身閑無所爲心閑無所思况當故園夜復此新秋池岸闇
鳥栖後橋明月出時菱風香散漫桂露光參差淨境多獨
得幽懷竟誰知悠然心中語自問來何遲

二

朝衣薄且健晚簟清仍滑社近燕影稀雨餘蟬聲歇關中

得詩境此境幽難說露荷珠自傾風竹玉相戛誰能一同
宿共說新秋月暑退早涼歸池邊好時節

新池

前人

數日自穿鑿引泉來近陂尋渠通咽處繞岸待清時深好
求魚養閑堪與鶴期幽聲聽難盡入夜睡常遲

南池

蕭條微雨絕荒岸抱清源入舫山侵塞分泉道接村秋聲
依樹色月影在蒲根淹泊方難遂他宵關夢竟

宿池上

前人

泉來從絕壑亭敞在中流竹密無空岸松長可絆舟蟪蛄
潭上夜河漢島前秋異夕期深漲携琴却此遊

池上宿

劉得仁

事事不求奢長吟省歎嗟無才其世棄有句何誰誇老樹
呈秋色空池浸月華涼風白露夕此境屬詩家

宣義池上

前人

脩篁夾綠池幽鳥此中飛何必青山遠仍將白髮歸當時
亦有恨是日總無機樹起秋風細西林磬入微

官池上

僧無可

迥疏城關內寒瀉出雲波岸廣山魚到汀閑海鷺過泛溝
侵道急流葉入宮多移舸浮中泚青宵徹曉河

京兆公池上作

溫庭筠

稻香山色疊平野接荒陂蓮少舟行遠萍多釣下遲壤埭

泉落處涼簟雨來時京口兵堪問何因入夢思

宿友人池

前人

背墻燈色暗宿客夢初成半夜竹窓雨蒲池荷葉聲簟涼
秋閣思木落故山情明發又愁起桂花溪水清

于秀才小池

方干

一泓瀲灩復澄明半日功夫斲小庭占地無過四五尺浸
天應入兩三星鷁舟草際浮霜葉魚火沙邊駐水螢纔見
規模識方寸知君立意象滄溟

池上

鄭谷

池樹愜幽獨狂吟學解嘲露荷香自在風竹冷相敲喪忘
嫌孤宦無機愛澹交仙山如有分必擬訪三茅

興州東池

前人

南連乳郡流澗碧浸晴樓徹底千峯影無風一片秋垂楊
拂蓮葉返照媚漁舟鑿貌還惆悵難遮兩鬢羞

盆池

張蠙

圓因陶化功外絕衆流通選處離松影穿時減藥叢別疑
天在地長對月當空每使登門客烟波入夢中

遊泛

首夏泛天池

梁武帝

薄遊朱明節泛漾天淵池舟楫互容與蘋藻相推移碧沚
紅菡萏白沙青蓮漪新波拂舊石殘花落故枝葉軟風易
出草密路難陂

北寺寅上人房均王遠岫翫前池

王筠

安期遂長往交甫稱高謙遠跡入滄溟輕舉馳崑閬良由
心獨善兼且情遊放豈若徇幽棲即日窮清曠激水周堂
下屯雲塞檐向閑牖聽奔濤開窓延疊嶂前階復虛泂瀨
迤成洲漲雨點散圓文風生起斜浪遊鱗于澆滸羣飛皆
呀吭蓮葉蔓田田菱花動搖漾浮光耀庭廡流芳襲帷帳
匡坐足忘懷詎思江海上

春日臨池

溫子昇

光風動春樹丹霞起暮陰嵯峨映連壁飄搖下散金徒自
臨濠渚空復撫鳴琴莫知流水曲誰辨遊魚心

同會河陽公新造暗山池聊得寓目

庾信

橫階仍鑿澗對戶即連峯暗石疑藏虎盤根似卧龍沙洲
聚亂荻洞口礙橫松引泉怕數派開巖即十重北閣聞吹
管南隣聽擊鍾菊寒花正合杯香酒絕濃由來魏公子今
日始相逢

和濬池初成清晨臨泛

前人

千金高堰合百頃凌源開翻逢積草浪更識崑明灰猿嘯
風還急鷄鳴潮即來時看青雀舫遙逐貴洲迴

安德山池宴集

李百藥

朝宰論思暇高宴臨方塘雲飛鳳臺管風動令君香細草
開金埒流霞泛羽觴虹橋分水態鏡石引菱光上才同振
藻小伎謬連章懷陰自蘭室徐步返山莊

同前

劉洎

平陽擅歌舞金谷盛招携何如兼往烈命賞叶幽棲已均
朝野致還欣物我齊春晚花方落蘭深逕漸迷蒲新節尚
短荷小盖猶低無勞拂長袖自待夜烏啼

同前

岑文本

甲第多清賞芳辰命羽卮書帷通竹逕琴臺枕槿籬池疑
夜壑徙山似鬱洲移雕楹網蘿薜激瀨合埵篔鳥戲番新
葉魚躍動清漪自得淹留趣寧勞攀桂枝

同前

楊績

狹斜通鳳闕上路抵青樓簪綬啓賓館軒蓋臨御溝西城
多妙舞玉第出名謳列峯疑宿霧疏壑擬藏舟花蝶亂風

影蘋藻含春流酒闌高宴畢自反山之幽

同前

許敬宗

戚里歡娛地園林矚望新山庭帶芳杜歌吹叶陽春臺榭
疑巫峽荷蕖似洛濱風花榮少女虹梁聚美人宴遊窮至
樂談笑畢良辰獨歎高陽晚歸路不知津

同前

褚遂良

伏檻丹霞外遮園煥景舒行雲泛曾阜蔽月下清渠亭中
奏趙瑟席上舞燕裾花落春鶯晚風光夏葉初良朋比蘭
蕙雕藻邁瓊琚獨有狂歌客來承歡宴餘

同前

上官儀

上路低平津後堂羅薦陳締文開狎賞麗則展方擬作良

密樹風烟積迴塘荷芰新雨霽虹橋晚花落鳳臺春翠斂
低舞席文香散歌塵方惜流觴蒲夕鳥已成闌

于長史山池三日曲水

陳子昂

摘蘭籍芳日雜詠被宴坐迴汀汎灑清流蒲葳蕤白芷生
金鉉揮趙瑟玉桂弄秦箏巖榭風光媚郊園春樹平烟花
飛御道羅綺照昆明日落紅塵合車馬亂縱橫

和元舍人萬頃臨池翫月戲為新體 沈佺期

春風搖碧樹秋霧卷丹臺復有相宜夕池清月正開玉流
含吹動金魄度雲來熠燿光如沸翩翩景若摧半環投積
草碎壁聚流盃夜久平無渙天清皎未隕鏡將池作匣珠
以岸為胎有美司言暇高興獨悠哉揮翰初難擬飛名豈

易陪夜光珠在握了了見沈灰

和韋承慶遊義陽公主山池五首 杜審言

野興城中發朝英物外求情懸珠集作朱綬望契動赤泉遊

海燕巢書閣山鷄舞畫樓雨餘清晚夏共坐此巖幽

二

逕轉危峯逼橋斜缺峯坊玉泉移酒味石髓換粳香縮霧青條弱牽風紫蔓長猶言宴樂少別向後池塘

三

琴琴繞碧沙搖筆弄清霞杜若幽庭草芙蓉曲沼花宴遊成野客形勝得山家徃徃留仙步登攀日易斜

四

攢石當軒倚懸泉渡牖飛鹿麋啣妓席鶴子曳童衣園菓靠難遍池蓮摘未稀捲簾惟待月應在醉中歸

五

賞翫奇他日高深愛此時池為八水背峯作九山疑地靜魚常逸人閑鳥欲欺青溪流別與更與白雲期

嘗與大理丞袁公大府丞田公偶詣一所林沼尤勝因並坐其次相得甚歡遂賦詩焉以詠其事

張九齡

方駕與吾友同懷不異尋偶逢池竹處便會江湖心夏近林方密春餘水更深青華兩暉映閑步一窺臨蘋藻復佳色鳧鷖亦好音韶芳媚洲渚惠氣襲衣襟蕭散皆為樂徘徊

徊從所欽謂子

集作予

成夙志歲晚共抽簪

過崔駙馬山池

王維

畫

集作書

樓吹笛妓金埒酒家胡錦石稱貞女青松學大夫

脫貂貫桂酌射鴈與山厨聞道高陽會愚公谷正愚

靈雲池送從弟

前人

金盃緩酌清歌轉畫舸輕移艷舞迴自嘆鵲鴿臨水別不
同鴻鴈向池來

鄭駙馬池臺喜遇鄭廣文同飲

杜甫

不謂生戎馬何知共酒盃燃臍郡塢散握節漢臣回白髮
千行雪丹心一寸灰別離經此地披寫忽登臺重對秦簫
發俱過阮巷來留連春夜舞淚落更徘徊

同族弟評事黯遊昌禪師山池

李白

遠公愛康樂爲我開禪關蕭然松石下何異清涼山花將
色不染水與心俱閑一坐度小劫觀空天地間

奉和苑舍人宿直曉翫新池亭寄南省友

沈東美

傳聞閭闔裏寓直有神仙史爲三墳傳郎因五字遷宸臨
翔鳳沼春注躍龍泉去似登天上來如看鏡前影搖宸翰
發波淨列星懸旣濟仍懷友流謙欲進賢禪疑冠聲實貴
覆被渥恩偏温室言雖阻文場契獨全玉珂光赫奕朱紱
氣蟬聯興逸潘仁賦名高謝朓篇青雲仰不逮白雪和難
牽苒苒胡爲此甘心老歲年

蘇著作山池

賈彦璋

水榭子雲家峯瀛宛不賒芥浮舟是葉蓮岫發為花酌蟻
開春瓮視魚憑海杳遊蘇多石友題贈蒲瑤華

陪中書李紆舍人夜泛東池

盧綸

看月復聽琴移舟出柳陰夜村機杼急秋水芰荷深石靜
龜潛上萍開菓疑暗沈何言盃酒興得見五湖心

宴楊駙馬山池

韓翎

垂楊拂岸草茸茸繡戶簾前花影重繪下玉盤紅縷細酒
開金瓮綠醅濃中朝駙馬何平叔南國詞人陸士龍落日
泛舟同醉處迴潭百丈映千峯

池上早春即事嘲

集作招 夢得

白居易

老更驚年故集作改閑光覺日長晴薰榆莢黑春染柳稍黃
雪破山呈色冰融水放光低平穩船舫輕暖好衣裳白角
三升榼紅箇六尺床偶逢難得伴獨醉不成狂我有中心
樂君無外事忙經過莫慵嬾相去兩三坊

池上閑詠

前人

青莎臺上起書樓綠藻潭中繫釣舟日晚愛行深徑裏月
明多在小橋頭暫嘗新酒還成醉亦出中門便當遊一部
清商聊送老白鬢蕭颯管絃秋

酬裴相公題興化小池見招長句

白居易

為愛小塘招散客不嫌老監與新詩山公倒載無妨學范
蠡扁舟未要追蓬斷偶飄桃李徑鷗鷺驚悞拂鳳凰池敢辭

課拙酬高韻一勾爭禁萬頃陂

遊宣義池亭

姚合

春入池亭暖風光老更鮮尋芳行不困逐勝坐還遷細草
亂如髮幽禽語似蟬集作鳥似絃苔文翻古畫石色學秋天花
落能漂酒萍開解避船暫來猶愈疾久往合成仙迸筍支
皆起垂藤壓樹偏此生應借看自料買無錢

金州晚夏陪姚員外南池

僧無可

柳暗清波漲衝萍復漱苔張帆高僧詩作筵白鳥起掃岸使君
來洲島秋應沒荷花曉高僧詩作晚盡開高城吹角罷驅馭尚

徘徊

與諸公池上待月

楊發

樹密雲縈岸池遙水際空菱開方吐鏡蘋動欲含風漸映
沙汀白微分渚葉紅金波宜共賞仙棹一宵同

陪王尚書泛蓮池舟

許渾

蓮塘移盡舸泛泛日華清水暖魚頻躍烟秋鴈早鳴舞疑
迴雪態歌轉遏雲聲客散山公醉風高月滿城

和沈參軍招友生觀芙蓉池

溫庭筠

桂棟坐清曉瑤琴雙鳳絲况聞楚澤杳適與秋風期遂使
棹萍客靜嘯烟草涓倒影回澹蕩愁紅涓漣漪湘莖久蘚
澁宿雨增離披而我江海意楚遊動夢思北渚水雲蔓南
塘烟露枝豈亡池榭芳獨與鷗鳥知珠墜魚迸淺影多鳧
泛遲落英不可舉返照昏澄陂

泛觴池

薛能

通咽遠華罇泛觴名自君
淨看籌見影輕動酒生紋
細滴隨盃落來聲就浦分
便應半酣後清冷漱蕪雲

春盡獨遊慈恩寺南池

趙嘏

竹外池塘烟雨收送春無
伴亦遲留秦城馬上半年
客潘鬢今日水邊愁氣變
晚雲紅映闕風含高樹碧
遮樓杏園花落遊人盡獨
為圭峯一舉頭

文苑英華卷第一百六十五

文苑英華卷第一百六十六

詩十六

池部八

池雜題七首

溪九首

游泛二十八首

雜題二十一首

池雜題

題壽安王主簿池館

蘇頲

落邑通馳道韓郊在屬城
館將花雨映潭與竹聲清
賢俊鸞栖棘賓遊馬佩衡
願言隨狎鳥從此濯吾纓

和伊集作諫議史館山池作

王維

雲館接天居霓裳侍玉除
春池百子外芳樹萬年餘
洞有仙人錄山藏太史書
君恩深漢帝且莫上空一作虛

野居池上有月

悠然雲間月復此照池塘
泫露蒼茫濕沉波澹灩光應門
當未曙歌吹蒲昭陽遠近徒傷目清輝靄自長

雨後宿劉司馬池上

賈島

藍溪秋漱玉此地漲清澄
蘆葦聲兼雨菱荷香遶燈岸頭
秦古道亭面漢光陵靜想泉根本幽崖落幾層

盧氏池上遇雨贈同遊

溫庭筠

簾翻涼氣集溪上潤殘碁
萍皺風來後荷喧雨到時寂寥
閑望久飄洒獨歸遲無限松江恨勞君解釣絲

習池晨起

皮日休

清曙蕭森載酒來涼風相引繞
亭臺數聲翡翠背人去一

番芙蓉含日開芰葉深深埋釣艇
魚兒漾漾逐流盃竹屏
風下登山屐十宿高陽志却迴

官池秋夕

羅隱

池邊月影閑婆娑池上醉來成短歌
芙蓉抵死怨珠露蝶
蟀苦口嫌金波往事向人閑不得舊遊臨老恨空多
松膠作酒蘭為棹十載煙塵奈爾何

溪

入小密溪

沈佺期

雲峯苔壁遶溪斜江路香風夾岸花
樹密不言通鳥道鷄
鳴始覺有人家人家更在深巖口澗水週流宅前後遊魚
瞥瞥雙釣童伐木丁丁赤樵叟自言避喧非避秦
薜衣耕

鑿帝堯人相留且待鷄黍熟夕臥深山蘿月春

過清溪水作

王維

言入黃花川每逐清溪水隨山將萬轉趣途無百里聲喧
亂石中色淨深松裏演漾泛菱荇澄澄映葭葦我心素已
閑清川澹如此請留盤石上垂釣將已矣

姑熟溪

李白

愛此溪水閑乘流興無極擊楫怕鷗驚垂竿待魚食波翻
曉霞影岸疊春山色何處浣紗人紅顏未相識

入清溪行山中

前人

清溪清我心水色異諸水借問新安江見底何如此人行
明鏡中鳥度屏風裏向曉猩猩啼空悲遠遊子

同前

前人

輕舟去何疾已到雲林境起坐魚鳥間動搖山水影巖中
響自合疑作溪裏言彌靜無事令人幽停橈向餘景

雲母溪

劉長卿

雲母映溪水溪流知幾春深藏武陵客時過洞庭人白髮
慙皎鏡清光媚淵淪寥寥古松下歲晚掛頭巾

白雲溪

吳鞏

山徑入修篁深林蔽日光夏雲生嶂遠瀑水引溪長秀跡
逢皆勝清氣坐轉涼回看玉樽夕歸路賞前忘

晚次宣溪

韓愈

昭陽南去接宣谿雲水蒼茫日向西客淚數行元集作自

落鷓鴣休傍耳邊啼

宿黑龜溪

張籍

夜到碧溪裏無人秋月明
逢幽便移宿取伴亦深行
花下紅泉色雲中乳鶴聲
明朝寄歸處石上自書名

遊泛

泛長溪

任昉

殖祿聚歸糧衣隱謝羈勒絕物甘
離羣長懷忍去國長溪
水東舍震區窮水域道遇垂綸叟
聊長問津惑弭楫申九
言無爲累牽纏長泛滄浪水從明
至曛黑

落日泛舟東溪

前人

黝黝桑柘繁芄芃麻麥盛交柯溪
易陰反景澄餘映吾生
雖有待樂天庶知命不學梁甫吟
唯識滄浪詠田荒我有
役秩滿余謝病

偶遊龍門北溪忽懷驪山別業因以言志示弟淑

奉呈諸大寮

常嗣立

幽谷杜陵邊風煙別幾年偶來伊水曲
溪嶂覺依然傍浦
憐芳樹尋崖愛綠泉嶺雲隨馬足山鳥
向人前地合心俱
靜言因理自玄短材叨重寄尸祿愧妨
賢每挹挂冠侶思
從初服旋稻梁仍欲報歲月坐空捐助
岳無纖塊輸溟謝
末消還晤北轅失方求南澗田

奉酬龍門北溪作

張說

石澗泉虛落松崖路屈迴聞君北溪下
想像南山隈近念

禹門別遙思雲障陪不知竒觀往空觀斯文來歲後寒初
變春前芳未開黃蕤裊岸柳紫苔集作拆村梅盡室茲遊
翫盈門幾樂哉嗟留洛陽陌夢謁建章臺野有巢由性朝
非元凱才希懷欽遠迹幽意日塵埃

同前

崔泰之

闕塞臨秋水驪山枕灞川俱臨隱路側同在帝城邊謝公
兼出處携妓翫林泉鳴騶噴梅雪飛蓋曳松煙聞琴幽谷
裏看博古巖前落日低帷帳歸雲繞管絃叨榮慙北闕微
尚愛東田寂寞灰心盡蕭條塵事牽朝思登嶰絕夜夢弄
潺湲宿懷南澗意况觀北溪篇

同前

崔日和

夙齡秉微尚中年忽有隣以茲山水癖遂得狎通人迨我
咸京道聞君別業新巖前窺石鏡河畔踏芳茵旣憐伊浦
綠復憶灞池春連詞謝家子同歡冀野實趣閑魚共樂情
洽鳥來馴詎念昔遊者抵命獨留秦蕭條穎陽戀冲漠漢
陰真無由陪勝躅空此翫書筠

同前

魏知古

有美朝爲貴幽尋地自偏踐臨伊水汭想望灞池邊是御
皆新賞茲遊若舊年藤蘿隱路接楊柳拂集作溝聯道愜
神情至機忘俗理捐遂初誠已重兼濟實爲賢跡是東山
上心仍北闕前顧慙經拾紫多謝賦思玄未躡中林步空
承華藻傳陽春和已寡知寂意徒然

泛鏡湖南溪

宋之問

乘興入幽樓舟行日向低巖花候冬發谷鳥作春啼
春嶂開天小叢篁夾路迷猶聞可憐處更在若耶溪

耒陽谿夜上

張九齡

乘夕棹歸舟綠源路轉幽月明看嶺樹風靜聽谿流
嵐氣舫間入霜花木上浮猿聲雖此夜不是別家愁

東谿翫月

王維

月從斷山口遙吐柴門端萬木分空霽流陰中夜攢光連
虛象白氣與風露寒谷靜秋泉響巖深青靄殘清澄入幽
夢破影抱空巒恍惚琴窻裏松溪曉思難

秋浦清溪雪夜對酒客有唱山鷓鴣者

已見一百五十五卷

李白

秋浦與同生

集作周剛

宴清溪玉鏡潭

李白

康樂上官去永嘉遊石門江中

集作亭非

有孤嶼千載跡猶存

我來憇秋浦三入桃波

集作波

源千峯照積雪萬壑盡啼猿

興與謝公合文因周子論掃崖去落葉帶月開酒罇溪當

大樓南溪水正南奔廻作玉鏡潭澄明洗心魂此中得佳

境可以絕囂喧清夜方歸來酣歌出平原別後經此地為

余謝蘭蓀

春泛若耶溪

綦毋潛

幽意無斷絕此去隨所偶好風吹行舟落花

文粹作入溪花路

入溪

口際夜轉西壑隔山望南斗潭煙飛溶溶林月低向後生

事且彌漫願為持竿叟

上巳日越中與鮑侍御泛舟若耶溪 劉長卿

蘭橈萬轉望汀沙集作傍汀葭應接集作隔雲峯到若耶舊浦遠

來移渡口垂楊深處有人家未和春色千年在曲水鄉心

萬里賒君見魚船時借問前洲幾路入煙花

奉陪鄭中丞自宣州解印與諸姪宴餘干後溪

前人

跡遠親魚鳥功成忽鼓鼙林中阮生集池上謝公題戶牖

垂藤合藩籬插檜齊夕陽山向背春草水東西看竹誰家

好尋花幾路迷何勞問秦漢更入武陵溪

谷秦徵君除少府春日見集若溪酌梁耿別後見

寄六言

前人見集本

晴川落日初低一作清川惆悵一作落日孤舟解携鳥向平蕪

一作浮萍遠近人隨流水東西白雲千里萬里明月前溪後溪

獨恨長沙謫去江潭春草萋萋

泛若耶溪

丘為

結廬若耶裏左右若耶水無日不釣魚有時向城市溪中

流水急渡口水流寬每得樵風便往來殊不難一川草長

綠四時那得辨短褐衣妻兒餘糧及鷄犬日暮鳥雀希稚

子呼牛歸住處無隣里柴門獨掩扉

溪行即事

釋靈一

近夜山更碧入林溪轉清不知伏牛路潭洞何縱橫曲岸

煙已合平湖月未生孤舟屢失道但聽秋泉聲

兩後欲往天目山問元駱二公溪路 前人

昨夜雲生天井東春山一雨幾迴風林花併逐溪流下欲
上龍池通不通

奉陪顏使君脩韻海畢東溪泛舟餞諸文士

釋皎然

諸侯崇魯學羔鴈日成群外史刊新韻中郎定古文菁華
兼百氏雅素備三墳國語思開物王言欲致君研精業已
就歡宴惜應分獨望西山去將身寄白雲

西溪獨泛

前人

道情何所寄素舸漫流閒真性憐高鶴無名羨野山輕寒

苦竹秀入靜片雲閑泛泛誰為侶唯應共月還

若溪春興

前人

春生若溪水雨後漫流通芳草行無盡春源去不窮野煙
迷極浦斜日起微風數處乘流望依稀似剡中

遊溪待月

前人

溪色思泛月沿回疑作欲未歸殘燈逢水店踈磬憶山扉
夜浦魚驚少空林鵲遶稀可中纔望見掩亂擣寒衣

奉陪侍中遊石筍溪十二韻

盧綸

朝日望靈山中溪浩紛錯圖書無舊記縣禹應新鑿雙壁
瀉天河一峯吐蓮萼潭心亂雪卷巖腹繁珠落彩蛤攢錦
囊芳蘿嫋花索猿群騰陽嶺龍穴腥陰壑靜得魚者言閑

聞洞仙博歌松倚朱幃廣石屯油幕國泰事留候山春縱
康樂間關殊牀鳥爛熳無名藥欲驗少君方還吟大隱作
旌幢不可駐古塞新沙漠

雪溪遠望

張籍

雪水碧悠悠西亭古岸頭夕光陰遠岫斜照逐迴流此地
動歸思逢君方倦遊吳興耆舊盡空見白蘋洲

和韓吏部泛南溪

賈島

溪裏晚從池岸出石泉秋急夜深聞木蘭船共山人上月
映渡頭零落雲

泛溪

項斯

溪舡泛數里便覺少炎暉動水花連影逢人鳥背飛深猶

見白石涼好換生衣未得多詩句終須隔宿歸

藍溪夜坐

張喬

藍水警塵夢夜吟開草堂月臨山靄薄松滴露花香詩外
真風遠人間靜興長明朝訪棹侶更上翠微房

雜題

入峭峽

陳子昂

蕭徒歌伐木驚或作驚 舩漾輕舟靡迤隨波水潺湲沂淺流
煙沙分兩岸露或作霧 島夾雙洲古樹連雲密交峯入浪浮

巖潭相映媚溪谷屢環周路迴光踰逼山深興轉幽麇麇
寒思晚猿鳥暮聲秋誓息蘭壺策將從桂樹遊因書謝親
愛千歲覓蓬丘

白湖守後溪宿雲門

常建

落日山水清，亂流鳴淙淙。舊浦雨抽節，新花水對窓。溪中日已沒，歸鳥多爲雙。杉松引直路，出谷臨前湖。洲渚晚色晴，又觀花與蒲。入溪復登嶺，草淺寒流速。圓月明高峯，春山因獨宿。松陰澄初夜，曙色分遠目。日出城南隅，青青媚川陸。亂花覆東郭，碧氣銷長林。四郊一清影，千里歸寸心。前瞻王程促，却戀雲門深。畢景有餘興，到家彈玉琴。

若耶溪逢孔九

綦毋潛

相逢此溪曲，勝託在煙霞。潭影竹裏動，巖陰簷外一作斜。人言上皇代，犬吠武陵家。借問淹留日，春風滿若耶。

此詩二百一十八卷重出，今已削去。

酬綦母校書夢若耶溪見贈

儲光羲

校文在仙掖，每有滄洲心。况此北窓下，夢還青溪陰。春看湖口漫，夜入廻塘深。徃徃纜垂葛，出舟望前林。山人松下飯，釣客蘆中吟。小隱何足貴，長年固可尋。還車首東道，惠言若南金。以我採微意，傳之千姥岑。

留題李明府雪溪水堂

寥寥此堂上，幽意獨難論。落日無王事，青山在縣門。雲峰向高枕，漁釣入前軒。竹動疎簾影，苔生雙履痕。荷香隨坐卧，湖色映晨昏。虛牖閑生白，鳴琴靜對言。暮禽飛下上，春水帶清渾。遠岸誰家柳，流煙何處村。謫居投瘴癘，離思過湘沅。從此扁舟去，誰堪江浦猿。

尋東溪還湖中作

劉春虛

出山更迴首日暮清溪深東嶺新別處數猿叫空林昔遊
有功跡此路還獨尋幽興方在往歸懷復爲吟雲峯勞前
意湖水成遠岑望已意疑超越坐鳴舟中琴

潁陽東溪懷古

崔曙

靈溪氛霧歇皎鏡清心顏空色下映水秋聲多在山世人
又踈曠萬物皆自閑白露寒更落孤雲晴未還昔時讓王
者此地閉柴關無以躡高步淒涼岑壑間

太白東溪張老舍即事寄舍弟姪等 岑參

渭上秋雨過北風暮騷騷天晴諸山出太白峯最高主人
東溪老兩耳生長毫遠近知百歲子孫皆二毛中庭井欄

上一架獼猴桃石泉飯香秬酒瓮開新糟愛茲田中趣始
懼世上勞我行有勝事書此寄爾曹

戈陽溪中望仙人城

顧况

何草芝靈姿無山不孤絕我行雖云蹇偶勝聊換節上界
浮中流光響洞明城曉禽曝霜羽寒魚依石髮自有無還
心隔波望松雪

靜林溪舍即梁武隱所有鍾磬並古物 釋靈一

靜林溪路遠蕭帝有遺蹤水擊羅浮磬山鳴于闐鍾燈傳
三際火樹老萬株松無復雲霞色空聞昔臥龍

同李洗馬入餘不溪經辛將軍故城 釋皎然

慘慘寒城望將軍不世時高墉暮草遍大樹野風悲壁壘

今猶在勲庸近可思蒼然古溪上川樹自淒其

剡溪行却寄別新者

朱倣

潺湲寒溪上自此成離別回首望歸人移舟逢暮雪頻行
識草樹漸老傷年髮唯有白雲心爲向東山月

越溪村居

戴叔倫

年來晚客寄禪扉多話貧居在翠微黃雀數聲催柳變清
溪一路踏花歸空林野寺經過少落日深山伴侶稀負米
到家春未盡風蘿閑掃釣魚磯

清溪路中寄常于二侍御

崔備

偏郡隔雲岑溪迴路更深少留攀桂樹畏渴望梅林野笋
資公膳山花慰客心別來無信至可謂井餅沉

將移耶溪舊居晉呈嚴長史陳校書 秦系

鷄犬魚舟裏長謔任興行即今邀客醉已被遠山迎書笈
將非重荷衣着甚輕謝安無箇事忽起爲蒼生

假攝池州晉別東溪隱居

朱湾

一官仍是假豈願數離群愁鬢看如雪浮名認是雲暫辭
南國隱莫勒比山文今夜松溪月還應夢見君

溪行逢雨與柳中庸

李端

日落衆星分蕭蕭暮雨繁那堪兩處宿共聽一聲猿

贈同溪者

張籍

幽居得相近煙景亦寥寥共伐臨谿樹同爲過水橋自教
仙鶴舞分採玉芝苗更愛南峯好尋君畏路遙

芙蓉溪送前資州裴使君歸京寧拜戶部裴侍郎

薛逢

桑柘林枯麩麥乾，欲分離袂百憂攢。
臨溪莫話前途遠，舉酒須歌後會難。
薄宦未甘霜髮改，夾衣猶耐水風寒。
遙知阮巷歸寧日，幾院兒童候馬看。

宿裴氏谿居懷厲玄先輩

馬戴

樹下孤石坐，草國微有霜。同人不同此，零鳥自南翔。
迢遞夜山色，青冷泉月光。西風耿離抱，江海遙相望。

霅溪晚泊寄裴庶子

羅隱

溪風如扇雨如絲，閑步閑吟柳惲詩。
杯酒踈狂如曩日，野花狼籍似當時。
道窮漫有依劉感，才急應無借寇期。
滿眼雲山莫相笑，與君俱是受深知。

文苑英華卷第一百六十六

文苑英華卷第一百六十七

詩十七

帝德

執契靜三邊一首

奉和執契靜三邊應詔一首

觀大駕出叙事寄懷一首

織錦作太平詩一首

在雋州遙叙封禪一首

宣政殿芝草一首

奉和皇帝上禮撫事述懷一首

皇帝上禮撫事述懷一首

扈從登封途中作四首

龍池篇一首

大同殿生玉芝龍池上有慶雲百官共覩聖恩便賜

宴樂因書即事一首

駕出長安一首

駕幸河東一首

皇帝聖感詞四首

天長地久詞五首

大禮畢皇帝御丹鳳門改元建中大赦一首

還京樂歌詞一首 春日奉獻皇壽無疆十首

太和戊申歲大有年詔賜百僚出城觀秋稼謹書盛

事以俟采詩者一首

今皇帝陛下詔徵兵不日功集河湟關郡次第歸降

臣 獲覩聖功輒獻歌詠一首

奉和白相公聖德和平致茲休運歲終功就合詠盛

明呈上三相公一首

歌詠聖德追懷天寶因題關亭一首

宣政殿前陪位觀冊憲宗皇帝尊號一首

元日樓前觀仗二首 三年冬大禮五首

昇平詞五首 朝元引四首

聖帝擊壤歌一首 歲仗一首

執契靜三邊

唐太宗

執契靜三邊持衡臨萬姓玉彩輝闕燭金華流日鏡無為

宇宙清有美璇璣正皎珮星連景飄衣雲結慶戢戈榮十

德昇文輝九功煙波澄舊碧塵火息前紅霜野韜連劔關

城罷月弓錢綴榆天合新城柳塞空花稍葱嶺雪殼盡流

沙霧秋駕轉兢懷春冰彌軫慮書絕龍庭羽烽休鳳穴戍

衣宵寢二難食肝殮三懼剪暴興先廢除凶存昔亡圓蓋
歸天懷方輿入地荒乳海池京邑雙河沼帝鄉脩躬思勵
已撫俗愧時康元首佇鹽梅股肱唯輔弼羽賢崆嶺四翼
聖襄城七澆俗庶反淳替文聊就質已知隆至道共歡區
宇一

奉和執契靜三邊應詔

許敬宗

玄塞隔陰戎朱光分昧谷地遊窮北際雲崖盡西陸星次
絕軒臺風衢垂禹服寰區無所外天覆今咸育甯猶猶有
孽戮負自貽辜網踈妖鯁漏盤藪恠禽逋鬣飛尚假息乳
視慙稽誅乾靈振玉弩神畧運璇樞日扇廓遊氣天陣清
華野昇炬光西夜馳恩溢東瀉揮袂靜寗炎開關納流赭
錦輶凌右地華纓羈大夏清臺映羅葉玄泚控瑤池駮麗
輸玕貺樹羽饗來儀輟餽觀化雨栖禦萃條支薰風交閔
闕就曰泛濛漪充庭延飲至絢簡敷春藻迎姜已創圖命
力方論道昔托遊河乘再備商山皓欣逢德化流思効登
封草

觀大駕出叙事寄懷

釋法

紫臺宵漏竭青門曙鼓通輕霞照複道徐吹轉相風玉鑾
光萬騎金輿鬱五戎鳴笳猶度闕清蹕尚喧宮雲旗亂陌
紫羽旆雜塵紅百城歸北麗兩漢久慙雄吾曹陋薄技餘
慶洽微躬平原已起洛印手亦還豐得奉衣冠盛仍觀書
軌同猶言待封告未忍向華嵩

織錦作太平歌詩

新羅王德真

永徽五年

合從本傳作元年

新羅王德真

即新羅王金真平女也平卒無子女乃嗣立為

王大破百濟之衆其弟子春秋之子法敏以聞德真乃織

錦作五言太平詩以獻之其詞曰

大唐開洪業巍巍皇猷昌止戈戎衣定脩文繼百王統天

崇雨施理物體含章深仁諧日月撫運邁時康幡旗何赫

赫征

一作鉦鼓何鏗鏗外夷違命者剪覆被天殃和風凝宇

宙

一作渾風疑幽顯遐邇競呈祥四時調王燭七耀巡萬方維嶽

降宰輔維帝任忠良五三成一德照我皇家唐

在雋州遙叙封禪

李義府

天齊標巨鎮日觀祭崇祠岩嶷臨渤澥隱憐控河沂建嶽

誠為長升功諒在茲帝猷符廣運玄範暢文思飛聲綵地

絡裁化撫乾維瑞策開珍鳳禎圖薦寶龜創封超昔夏脩

禪掩前姬東后方肆覲西都尊六師肅駕移星苑揚罕馭

風司沸鼓喧平陸凝蹕靜通達汶陽馳月羽蒙陰警電麾

巖花飄曙輦峯葉蕩春旗石間環藻衛金壇映黼帷仙階

溢秘秬靈樛耀祥芝三始貽遐貺萬歲受重釐菲質陶恩

獎趣迹奉軒墀解網淪幽裔乘微限濟時周南昔已歎邛

西今復悲

宣政殿芝草

前人

明王敦孝感寶殿秀靈芝色帶朝陽淨光涵南露滋且標

宣德重更引國恩施聖祚今無限微臣樂未移

奉和皇帝上

集作

禮撫事述懷

陳子昂

大君忘自我應運居紫宸揖讓期明辟謳謔且順人軒宮
帝圖盛皇極禮容申南面朝萬國東堂會百神雲陛旗常
滿天庭玉帛陳鍾石和睿思雷雨被深仁承平信娛樂王
業本艱辛愿罷瑤池宴來觀農扈春卑宮昭夏禮尊老睦
堯親微臣敢拜首歌舞頌惟新

皇帝上

一作

禮撫事述懷

李嶠

配極輝光遠承天願託隆負圖濟多難脫履歸成功聖道
昭永錫邕言讓在躬還推萬方重咸仰四門聰恭已忘自
逸因人體至公垂旒滄海宴解網法星空雲散天五色春
來日再中稱觴合纓弁率舞應絲桐凱樂深居鑄傳歌盛

飲豐小臣濫簪筆無以頌唐風

扈從登封途中作

宋之問

帳殿鬱崔嵬仙遊實壯哉曉雲連幕卷夜火雜星回谷暗
千旗出山鳴萬乘來扈遊良可賦終之扶天才

扈從登封告成頌

前人

御路廻中嶽天宮接下都百靈無後至萬國竟疑作前驅
文衛嚴清蹕幽仙讀寶符貝花明漢菓芝草入堯厨濟濟
衣冠會喧喧夷夏俱宗裡仰神理凱樂望仙途撫已貧非
病時來本不愚愿陪丹鳳輦率舞白衢

頌

前人

複道開行殿鈎陳列禁兵和風吹鼓角佳氣動旗旌後騎

迴天苑前山入御營萬方俱下拜相與樂昇平

松山頌

前人

翼翼高旌轉鏘鏘鳳輦飛塵銷清蹕路雲濕從臣衣白羽
搖丹壑天宮通翠微芳聲耀千古四海警宸威

龍池篇

沈佺期

龍池濯龍龍已飛龍得光天天不遠池開天漢分黃道龍
向天門入紫微邸第樓臺多氣色君王鳧鴈有光暉為報
寰中百川水來朝北地莫東歸

大同殿生玉芝龍池上有慶雲百官共覩聖恩便

賜宴樂因書即事

王維

欲笑周文歌宴鎬遙輕漢武樂橫汾豈如玉殿生三秀詎

有銅池出五雲陌上堯樽傾北斗樓前舜樂動南薰共歡
天意同人意萬歲千秋奉聖君

駕出長安

王昌齡

聖德超千古皇風扇九圍天回萬象出駕動六龍飛淑氣
來黃道祥雲覆紫微太平多扈從文物有光輝

駕幸河東

晉水千廬合汾橋萬國從開唐天業盛入沛聖恩濃下輦
回三象題碑任疑六龍睿明懸日月千載此時逢

皇帝聖感詞四首

盧綸

提劍雲雷動垂衣日月明禁花呈瑞色國老見星精發棹
魚先躍窺巢鳥不驚山呼一萬歲直入九重城

二
天衣五鳳彩御馬六龍文雨露清馳道風雷翊上軍高旌
花外轉行漏嶽前聞時見金鞭舉空中指瑞雲

三
妙筭千戈止神謀宇宙清兩階文物盛七德武功成校獵
長楊苑屯軍細柳營歸來獻明主歌舞溢春城

四
天樂下天中雲屏儼在空鉛黃艷河漢笑語合笙鏞已見
長隨鳳仍聞不射熊君王親試舞閭闔靜無風

天長地久詞五首

前人

玉砌紅花樹香風不敢吹春光解人意偏發殿南枝天長地久

萬年枝

二

虹橋千步廊半在水中央天子方清暑宮人重暮粧天長地久

萬年昌

三

辭輦復當能傾心奉六宮君王若看貌耳在衆妃中天長地久

萬年通

四

雲日呈祥禮物殊彤庭生獻五單于塞天萬里無飛鳥可
在邊城用到都

五

臺殿雲涼秋日微君王初賜六宮衣樓船泛罷歸猶早行
遣才人門射飛

大禮畢皇帝御丹鳳門改元建中大赦 李益

大明曠曠天地分六龍負日昇天門鳳凰飛來御帝蘇言
我萬代金皇孫靈鷄鼓舞承天赦高翔百尺乘朱幡宸居
穆清受天曆建中甲子合上元旻窮景命則已至王事乃
可醉乾坤升中告成答玄貺泥金檢玉照鴻恩雲亭之事
畧可記七十二君寧獨尊小臣有上封禪草集作表久而未
召集作就歸陵園

還京樂歌詞

竇常

百戰初休十萬師國人西望翠華時家家盡唱升平曲帝

幸黎園親製詞

春日奉獻皇壽無疆詞十首

楊巨源

文物京華盛謳謠國步康瑤池供壽酒銀漢灑宸章靈羽
含雙闕雷霆肅萬方代推仙祚遠春共聖恩長鳳宸臨花
暖龍鑪旁日香遙知千萬歲天意奉君王

二

鴛鴦彤庭際軒車綺陌前九城多好樂萬井半祥煙人醉
逢堯酒鴛歌荅舜絃花明御溝水香暖禁城天賜宴文逾
盛徵歡物更研無窮艷陽月長奉太平年

三

雲陛臨黃道天門在碧虛大明含睿藻元氣抱宸居戈偃

征苗後詩傳宴鎬初年華富仙苑時哲滿公車化入網緼
大恩垂渙汗餘悠然萬方靜風俗揖華胥

四

玉漏飄青璫金鋪麗紫宸雲山九門曙天地一家天瑞霽
方呈賞暄風本配仁巖廊開鳳翼水殿壓鰲身文雅逢明
代歡娛及賤臣年年未央闕恩共物華新

五

垂拱乾坤正歡心品類同紫煙含北極玄澤付東風珠綴
留晴景金莖直曉空發生資盛德交泰讓全功間氣登三
事祥光啓四聰遐荒似川水天外一朝宗

六

代是文明晝春當宴喜時鑪煙添柳重宮漏出花遲漢典
方寬律周官正採詩碧宵傳鳳吹紅旭在龍旗造化膺神
契陽和沃聖思無因隨百獸率舞奉丹墀

七

睿德符玄化芳情翊太和日輪皇鑒遠天仗聖朝多曙色
含金榜晴光轉王珂中宮陳廣樂元老進賡歌蓮葉着龜
上桐花識鳳過小臣空擊壤滄海是恩波

八

物象朝高殿簪裾溢上京春當九衢好天向萬方明樂報
簫韶發杯着沆瀣生芙蓉丹闕暖楊柳玉樓晴閭闔開中
禁衣裳儼太清南山同聖壽長對鳳凰城

九

日上蒼龍闕香含紫禁林晴光五雲疊春色九重深賞叶
元和德文垂雅頌音景雲隨御輦顥氣在宸襟永保無疆
壽長懷不戰心聖朝多慶賜瓊樹粉墻陰

十

化洽生成遂功宣動植知瑞凝三秀草春入萬年枝鳳掖
嘉言進鴛行嘉氣隨伏臨丹地近衣對碧山垂渥澤方柔
遠聰明本聽卑願同東觀士長對漢威儀

大和戊申歲大有年詔賜百寮出城觀秋稼謹書

盛事以俟采詩者

劉禹錫

長安銅雀鳴秋稼與雲平玉燭調寒曙金風報順成川原

呈上瑞恩澤賜閑行欲返皇城掩猶聞歌吹聲

今皇帝陛下詔徵兵不日功集河湟關郡次第

歸降臣獲覩聖功輒獻歌詠

杜牧

捷書皆應睿謀期十萬曾無一鏃遺漢武慙誇朔方地周
宣休道太原師威加塞外寒來早恩入河源凍合遲聽取
滿城歌舞曲涼州聲韻遠參差

奉和白相公聖德和平致茲休運歲終功就合詠

盛明呈上三相公

前人

行看膺破好年光萬壽南山對未央黠戛可汗脩職貢文
思天子復河湟應須日馭西巡狩不假星弧北射浪吉甫
裁詩歌盛業一篇江漢美宣王

歌詠聖德追懷天寶因題關亭 前人
聖敬文思業太平海寰天下唱歌行秋來氣勢洪河壯霜
後精神泰華寧廣德有強朝萬國用賢無敵是長城君王
若悟治皮諭安史何人敢弄兵

宣政殿前陪位觀冊憲宗皇帝尊號 薛逢

樓頭鐘鼓遞相摧曙色當衙曉仗開孔雀扇分香按出來
龍衣動冊函來金泥照耀傳中旨玉節從容引上台盛禮
求尊徽號畢聖慈南面不勝哀

元日樓前觀仗二首 前人

千門曙色鏤寒梅五夜踈鐘曉箭催寶馬占堤朝闕去香
車爭路進名來天臨玉几班初合日照金鷄仗欲迴更旁

紫微瞻北斗上林佳氣滿樓臺

二

曈曈初日照樓臺漠漠祥雲雉扇開星駐冕旒三殿曉雲
翻珠翠六宮來山呼聖壽煙霞動風轉金章鳥獸迴欲識
普恩無遠近萬方歡抃一聲雷

三年冬大禮五首 曹唐

皇帝齋心潔素誠自朝真祖報升平華山秋草多歸馬滄
海寒波絕洗兵銀箭水殘河勢斷玉爐煙盡日華生千官
整肅三天夜劔佩初聞入太清

二

海日西飛度禁林太清宮殿月沉沉不聞北斗傾堯酒空

覺南風入舜琴歌壓鈞天閑夢盡詔歸秋水道情深雪風
更起古杉葉時送步虛清磬音

三

太一天壇隆大君屬車龍鶴夜成群春浮玉藻寒初落露
拂金莖曙欲分三代樂迴風入律四阻歌駐水成文千官
不動旌旗下日照南山萬樹雲

四

山擁飛雲海水清天壇未夕仗先成千官不起金滕議萬
國空瞻玉藻聲禁火曙然煙焰裏宮衣寒拂雪花輕側聞
左右皆周呂看取從容致太平

五

太和琴暖發南薰水濶風高得細聞滄海舉歌夔是相歷
山迴禪舜爲君翠微呼處生丹障清淨封中起白雲今日
病身慙小隱欲將泉石勒移文

昇平詞五首

瑞氣遶宮樓皇居上苑游遠岡連聖祚平地載神州會合
兼重譯潺湲近八流中興豈假問據此自千秋

二

寥沉敞延英朝班立位橫宣傳無草動拜舞有衣聲鴛鴦
霜消濕蟲絲日照明辛勤自不到遙見似前程

三

颺颺是歡心時康歲已深不同三尺劔應似五絃琴壽笑

山猶盡明嫌日有陰何當憐一物亦遣斷愁吟

四

日日聽歌謠區中盡祝堯蟲蝗初不害夷狄近全銷史筆
唯書瑞天臺絕見妖因令匹夫志轉欲事清朝

五

五帝三皇主蕭曹魏邴臣文章唯返朴戈甲盡生塵諫紙
應無用朝綱自有倫昇平不可記所見是閑人

朝元引四首

陳陶

帝燭燦煌下九天蓬萊宮曉玉爐煙無窮鸞鳳隨金母來
賀薰風一萬年

二

正雜詠
作玉殿雲開露冕旒下方珠翠壓鰲頭天鷄唱罷南山
曙春色先歸十二樓

三

萬寓靈梓擁帝居東華元老薦屠蘇龍蛇遙望非煙拜五
色曠隴在玉壺

四

寶祚河宮一向清龜魚天篆又分明近臣誰獻登封草五
岳齊呼萬歲聲

聖帝擊壤歌四十聲

百六承堯緒艱難土運昌大虐橫慧孛中野鬪豺狼帝曰
更吾嗣時哉憶聖唐英星垂將校神嶽誕忠良鍊石醫元

氣屠鼉正昊蒼掃原鋪一德驅侵立三光大道重蘇息真
風再發揚芟夷踰舊跡神聖掩前王郊酒酣寥廓鴻恩受
渺茫地圖龜負出天誥鳳銜將雜貢來山峙群夷入鴈行
紫泥搜海岱鴻筆富巖廊鷹象敷宸極寰瀛作瑞坊泥丸
封八表金鏡照中央構殿旗一作麟趾開藩表鳳翔鑿輿
親稼穡朱幌務蠶桑戎羯輸天馬靈仙侍玉房宮儀水蒐
甲門衛綠沉槍陶鑄超三古車書混萬方時巡望虞舜蒐
狩法殷湯化合謳謠滿年豐鬼域藏政源歸牧馬公法付
神羊寶鼎無靈應金甌肯破傷封山昭茂績祠執答嘉祥
在昔宮闈僭仍懼弄浞殃牝鷄何讖譎獒犬漫馭勦苗禱
三靈怒桓偷九族亡鯨鯢尋掛網魑魅旋投荒松栢霜逾
翠芝蘭露更香聖謨流祚遠仙系發源長島嶼征徃薄滄
瀾汎稻涼鳧魚饜冷啖荷薛足衣裳寤寐華胥國嬉遊太
素鄉鷹鷂飛接翼忠孝住連牆有叟能調鼎無媒隱鈎璜
乾坤資識量江海入文章野鶴思蓬闕山麋憶廟堂泥沙
空淬礪星斗屢低昂歷草何因見衢罇豈暫忘終隨嘉橘
賦霄漢謁羲皇

歲仗

羅鄴

玉帛朝元萬國來鷄人唱曉五門開春排北極迎仙馭日
捧南山入壽杯歌舜薰風鏗劔佩祝堯佳象靄樓臺可憐
西海車書共重見蕭曹佐漢材

文苑英華卷第一百六十七

文苑英華卷第一百六十八

詩十八

應制一

錫宴四十六首

酺宴六首

錫宴

宴東堂

隋煬帝

雨罷春光潤日落暝霞暉海榴舒欲盡山櫻開未飛清音
出歌扇浮香飄舞衣翠帳全臨戶金屏半隱扉風花意無
極芳樹曉禽歸

春日玄武門宴群臣

唐太宗

韶光開令序淑氣動芳年駐輦葉林側高宴栢梁前紫庭
文樹滿丹雘袞紱連九夷造瑤席五狄列瓊筵娛賓歌湛

露廣樂奏鈞天盈樽浮綠醕雅曲韻朱絃粵余君萬國還
慙撫八埏庶幾保貞固虛已厲求賢

宴中山

前人

驅馬出遼陽萬里轉旂常對敵六奇舉臨戎八陣張斬鯨
澄碧海卷霧掃扶桑昔去蘭縈翠今來桂染芳雲枝浮碎
葉冰鏡上朝光迴首長安道方歡宴栢梁

奉和宴中山應制

許敬宗

飛雲旋碧海鮮網宥青丘養更停八駿觀風駐五牛張樂
臨堯野楊麾歷舜州中山獻仙醕疑作醞趙媛發清謳塞門
朱鴈入郊藪紫麟遊一舉氛霓靜千齡德化流

奉和天樞成宴夷夏群寮應制

李嶠

轍迹銘西弁勲庸紀北燕何如萬方會頌德九門前的的
臨黃道迢迢入紫煙仙盤正下露高柱欲承天山類叢雲
起珠疑大火懸聲流塵作劫業固海成田帝澤傾堯酒宸
歌掩舜絃欣逢下生日還覩上皇年

千秋節宴

唐玄宗

蘭殿千秋節稱名萬歲觴風傳率土慶日表繼天祥玉宇
開花萼宮懸動會昌衣冠白鷺下帟幕翠雲長獻遺成新
俗朝儀入舊章月銜花綬鏡露綴絲絲囊處處祠田祖年
年宴杖鄉深思一德事小獲萬人康

奉和千秋節宴應制

張說

五德生王者千齡啟聖人赤光來照夜黃雲上覆辰海縣

街恩久朝章獻壽新高車帝坐出夾道衆官陳禦仗洗晴
景磬管凝秋旻珠囊含瑞露金鏡抱遷輪何歲無鄉飲何
田不報神薰歌與名節傳代幸群臣

皇帝降誕日集賢殿賜宴

前人

仲秋金帝起五日土行標瑞表壬寅露光傳甲子霄陰風
吹大澤夢日照昌朝不獨華封老千年喜祝堯

集賢殿書院奉勅送學士張說上賜讌

有序不錄

唐玄宗

廣學開書殿崇儒引席珍集賢昭集作招袞職論道命台臣
禮樂沿今古文章革舊新獻酬罇俎列賓主位班陳節變
雲初夏時移氣尚春新稀光史冊千載仰茲辰

奉和聖製送赴集賢院

賦得輝字

張說

侍帝金華講千齡道固稀位將賢士設書共學徒歸首命
深燕隗通經淺漢蕭列筵榮賜食送客貴儒衣賀鸞窺簷
下遷鷲入殿飛欲知朝野慶文教日光輝

同前

賦得迎字

源乾曜

盛業光書府做人盡國英司綸賢得相群俊學爲名寵命
垂天錫崇恩發睿情薰風清禁御文殿迷皇明日霽庭陰
出池熏水氣生歡娛此無限詩酒自相迎

同前

賦得昇字

裴漼

聞道圖書盛尊儒禮教興石渠因學廣金殿爲賢昇日月
恩光照淵雲寵命膺謀猷言可範舟楫事斯憑宴喜明時

洽光輝湛露凝大哉堯作主天下頌歌稱

同前賦得
茲字

蘇頌

肅肅金殿裏招賢固在茲
鏘鏘石渠內序拜亦同時
宴賜歡談道文成貴說詩
用儒今作相敦學舊為師
下濟天光近中來帝渥滋
國朝良史載能事日論思

同前賦得
西字

常抗

廣庭臨壁沼多士侍金闈
英宰文儒叶明君日月齊
集賢光首拜改賜發新題
早夏初移律餘花尚拂暎
壺觴接雲上經術引闕西
聖德鴻名遠將陪王檢泥

同前賦得
廻字

程行誼

聖主崇文化鏘鏘得盛才
相因歸夢立殿以集賢開

微言闡詩書至道該堯樽
承帝澤禹膳自天來禮洽
歡逾長風恬暑更廻國朝
將舜頌同是一康哉

同前賦得
虛字

徐堅

崇文德化洽新殿集賢初
庸菲叅嘉選首濫承明廬
殊私光輔弼榮送到簪裾
座引中厨饌杯錫上樽餘
翠葉濃丹苑晴空卷碧虛
忝同文史地願草登封書

同前賦得
催字

李嵩

偃武堯風接崇文漢帝恢
集賢更內殿清選自中台
佐命番侯業詞華博物才
昊天千品降夏日百壺催
駕鴛方成列神仙喜暨陪
復欣同拜首叨此頌良哉

同前賦得
登字

蕭嵩

文苑英華

卷二

帝曰簡才能旌賢在股肱文章體一變禮樂道逾弘芸閣
英華入賓門鴛鴦登恩筵過所望聖澤實超恒夏葉開紅
藥餘花發紫藤微臣亦何幸叨此預文明

同前賦得私字

李元紘

碩儒延鳳沼金馬被鴻私饌玉迥丹禁歲花降紫墀街恩
傾旨酒鼓舞詠康時覽觀群書緝逾昭盛業丕接筵欣有
命擗管媿無詞自驚一何幸太陽還及葵

同前賦得暮字

賀知章

西學垂玄鑒東堂發聖暮天光燭武殿時宰集鴻都枯朽
霑皇澤翺飛舞碧梧跡同遊汗漫榮是出集作汗塗三歎
承湯鼎千歡接舜壺微軀不可答空欲詠依蒲

同前賦得今字

陸堅

聖主崇文教層霄降德音尊賢澤既厚式宴寵逾深復有
夔龍相良哉簡帝心得人惟邁昔多士諒推今書殿榮光
滿儒門喜氣臨顧惟誠濫次徒此接衣簪

同前賦得賓字

劉昇

圖書應明主策府宴嘉賓台曜臨東壁乾光自北辰網羅
窮象繫述作究天人聖酒千鍾洽仙厨百品陳成山徒可
仰涉海詎知津幸逢文雅盛還覩頌聲新

同前賦得風字

褚琇

講習延東觀趨陪盛北宮惟師恢帝則敷教叶天工宣室
恩嘗異金華禮更崇洞門清末日華緩接微風蓮降堯厨

翠樞開舜酒紅文思光萬宇高議待升中

同前賦得
筵字

王翰

東堂起集賢貴得從神仙首命台階老將崇御府員送人
將玉佩中使拂瓊筵和樂春風解湛恩時雨連長材咸磊
落短翮強翻翹徒仰蓬萊峻何階不讓緣

同前賦得
筵字

趙冬曦

淺術方觀海恩深忽見天學開丹殿籍名與石渠賢良輔
膺休命微生謬採甄春餘仍哢鳥夏近未舒蓮牋札來宸
禁衣冠集詔筵史臣知醉德欲記升平年

同前賦得
華字

常述

脩文中禁啓改物令名加台座徵人傑書坊應國華賦詩

開廣宴賜酒酌流霞雲散明金闕池開照王沙掖垣番宿
鳥温樹落餘花謬此天光及銜思醉日斜

左丞相說右丞相璟太子少傅乾曜同日上官命

宴都堂賜詩一首

唐玄宗

赤帝收三傑黃軒舉二臣由来丞相重分掌國之均我有
握中璧雙飛席上玳子房推道要仲子訝風神復輟台衡
老將為調護人鴛鸞同拜日車騎擁行塵樂聚南宮宴觴
連北斗醇俾予成百揆垂拱問彛倫

奉和御製說璟乾曜同日上官命宴都堂賜詩一

首應製

張說

大塊鎔群品輕土偶聖時猥承三事命虛忝百僚師右揆

謀華碩前星轉重資連騫求舊禮濫玷樂賢詩賜釜同榮
拜從金宴宰司菊花吹御酒蘭葉捧天詞寶曆休明盛頽
年晷漏衰少留青史筆未敢赤松期

同前

宋璟

丞相邦之重非賢諒不君老臣庸且憊何德以當諸厚秩
先爲忝崇班復此除太常陳禮樂中掖降簪裾聖酒江河
潤仙文象緯舒冒恩懷寵錫陳力省空虛郭隗慙無駿馮
諛愧有魚不知周勃者榮幸定何如

同前

源乾曜

睿作超千古湛恩育萬人
遶遷齊荷澤同拜忽爲隣
道洽音微暢芳馳景命新
鼓鍾重享禮鴛鴦集朝倫
竊位思官謗凋容謝木春
慙多無以叙拙實固難陳
進級懷三少承光盡百身
自當歸第日何幸列宮臣

同前

蕭嵩

審官思共理多士屬誰當
歷選台庭舊來熙帝業昌
入朝師百辟論道協三光
垂拱咨元老親賢輔少陽
登崇榮禮送寵德曜宸章
御酒飛觴洽仙闈雅樂張
荷恩思有報陳力愧無良
願罄忠公節同心奉我皇

同前

裴光庭

樂賢聞往誥褒德偶茲辰
端揆昇元老師謀擇累仁
紫庭崇讓畢粉署禮容陳
既荷恩榮舊俱承寵命新
天文懸瑞色聖酒泛華茵
雜遝喧簫鼓歡娛洽縉紳
掖垣招近侍虛

薄厠清鹿共保堅貞節常期雨露均

同前

宇文融

申甫生周日宣慈舉舜年何如偶昌運比德邁前賢寵護
元良密榮瞻端揆遷職優三事老位在百僚先北極廻宸
渥南宮飾宴筵飛文瑤札降賜酒玉杯傳謬列台衡重俱
承雨露偏誓將同竭力相與効塵涓

書殿賜宴應製

徐安貞

校文常近日賜宴忽昇天酒正傳杯至饗人捧案前玉階
鳴溜水清閣引歸煙共惜芸香暮春風幾萬年

奉和賜史供奉曲江宴應製

王維

侍從有鄒枚瓊筵就水開言陪栢梁宴新自建章來對酒

山河滿移舟草樹迴天文同麗日駐景惜行盃

麗正殿賜宴同勒天前烟年應製

王灣

金殿忝陪賢瓊羞忽降天昇羅仙掖裏觴拜鏤闈前院逼
青霄路厨和紫禁煙酒空歡抃舞何以荅昌年

麟德殿宴百僚

唐德宗

憂勤承聖緒開泰喜時康恭已臨群后垂衣御八荒務閑
春向日疑朝罷日猶長紫殿初筵列彤庭廣樂張成功歸
輔弼致理賴忠良共此歡娛事千秋樂未央

奉和麟德殿宴百僚應製

盧綸

雲闕御筵張山呼聖壽長玉攔豐瑞草金陛立神羊台鼎
資庖膳天星奉酒漿蠻夷陪作位犀象舞成行網已祛三

面歌因守四方千秋不可極花發滿宮香

同前

宋若昭

垂衣臨八極肅睦四門雍自是無為化非關輔弼功脩文
昭隱伏尚武殄妖克德立韶光被恩霑雨露濃衣冠陪御
宴禮樂盛朝宗萬代稱觴舉千年信一同

同前

女郎鮑徵君子文姬

睿澤光寰海功成展武韶戈鋌清外壘疑文物盛中朝聖
祚山河固宸章日月昭玉筵鸞殿疑集仙管鳳凰調御柳
低新綠宮鸞乍轉嬌頰將億兆慶千祀奉神堯

奉和四月三日上陽宮賜宴應製

孫逖

今日逢初夏歡遊續舊旬氣和先作雨恩厚別成春風吹

臨清洛龍輿下紫宸此中歌在藻還見躍潛鱗

春曉宴兩相及禮官麗正殿學士探得風字

唐玄宗

乾道運無窮恒將人代工陰陽調曆象禮樂報玄穹介冑
清荒外衣冠佐域中言談延國輔詞賦引文雄野霽伊川
綠郊明鞏樹紅冕旒多暇景詩酒會春風

奉和御製得開字

張說

聖政惟稽古賓門引上才坊因購書立殿為集賢開旄彥
星辰下仙草日月迴字如龍負出韻是鳳銜來庭柳餘春
駐宮櫻早夏催喜承芸閣宴幸捧栢梁杯

端午三殿宴群臣探得神字

唐玄宗

五月符天數五音調夏鈞舊來傳五日無事不稱神穴枕
通靈氣長絲命續人四時花競巧九子粽爭新方殿臨華
節圓冠宴雅臣進對一言重道文六義陳股肱良足詠風
化可還淳

端午日三殿侍宴得魚字應製

張說

小暑夏該應微陰商管初頽齋長命縷來續大恩餘三殿
寨珠箔群官上玉除助陽嘗黍晁順節進龜魚甘露垂天
酒芝花捧御書含丹同蠶蜓灰骨慕蟾蜍今日傷蛇意銜
珠遂闕如

恩勅賜食於麗正殿書院宴應制

張說

東壁圖書府西岷翰墨林
誦詩聞國政講易見天心
位竊和羨重恩叨醉酒深
緩歌春興曲情竭為和音

酺宴

奉和上元酺宴應詔

楊炯

甲乙遇災年周隨迭上絃
祆星六丈出沴氣七重
赤縣空無主蒼生欲問天
龜龍開寶命雲火昭靈慶
萬物覩真人千秋逢聖政
祖宗玄澤遠文武休光盛
大號域中平皇威天下驚
參辰昭文物宇宙浹聲明
漢后三章令周王五代兵
匈奴窮地角本字疑遠
正朔驕子起天街由來
虧禮樂一衣掃風雨再戰
夷屯剝清明日月旦蕭索
煙雲渙寒暑既平分陰陽
復貞觀惟神諧妙物乃聖
符幽贊下武發微祥平階
屬會昌金泥封日觀壁水
匝明堂業盛勛華德

興包天地星孝思義罔極易禮光前式天渙疑三辰輝靈
書五雲色敬時窮發歛卜代盈千億五緯聚華軒光重入
望國公卿論至道天子拜昌言雷解初開出星空即便元
瑤臺涼景薦銀闕秋陰遍百戲聘魚龍千門壯宮殿深仁
洽蠻徼愷樂周寰縣宣室召群臣明庭禮百神仰德還符
日霑恩更似春袞城非牧豎楚國有巴人

洛城觀酺宴應制

陳子昂

聖人信恭已天命允昭回蒼極神功被青雲祕錄開垂衣
受金冊張樂宴瑤臺雲鳳休微滿魚龍雜戲來崇恩踰五
日惠澤暢三才玉帛群臣醉微章禘禮該方覩升中禪言
觀拜洛廻微臣固多幸敢上萬年杯

廣達樓下夜侍酺宴應制

蘇頌

東岳封廻宴洛京西墉通晚會公卿樓臺絕勝宜春苑燈
火還同不夜城正覩人間朝市樂忽聞天上管絃聲酺來
萬舞群臣醉喜戴千年聖主明

奉和登封禪禮畢洛陽酺宴應制

張九齡

大君畢能事端袞樂成功運與千齡合歡將萬國同漢酺
歌聖酒韶樂舞薰風河洛榮光遍雲煙喜氣通春花頰覺
早天澤倍知崇草木皆霑被猶言不在躬

奉和十五夜燃燈繼以酺宴之作應制

王維

上路笙歌滿春城刻漏長遊人多晝日明月讓燈光魚鑰
通翔鳳輿出建章九衢陳廣樂百福透名香集作神妓

來金殿都人遶王堂止應集作偷艷舞從此學新粧奉引
迎三事司儀立萬方願將天地壽同以獻君王

夏月花萼樓酺宴應制 王昌齡

土德三元正堯心一國同汾陰備冬禮長樂宴和風賜慶
垂天澤流歡舊渚宮樓臺生海上簫鼓出天中霧曉筵初
接宵長曲未終雨隨行幕合月影舞羅空玉陛分朝列文
章發聖聰愚臣忝書賦歌詠頌絲桐

文苑英華卷第一百六十八 終

文苑英華卷第一百六十九 詩十九

應制二

侍宴七十二首

侍宴樂遊苑餞徐州刺史應詔 梁丘遲

詰且間闔開馳道聞鳳吹輕花承玉輦細草籍龍騎風遲
山尚響雨息雲猶積巢空初鳥飛行亂新魚戲宴惟北門
重匪親孰為寄參差別念舉蕭穆恩波被小臣信多幸捐
生豈酬義

侍宴謝朓宅類聚有餞字東歸應制 沈約

皇情帳東甍羽旆拂南廛夏雲清朝景秋風揚早蟬飲和
陪下席論道光上筵

侍宴樂遊苑餞呂僧珍應詔

前人

丹浦非樂戰負重切君臨我皇蘊至德恭一作已用堯心
愍茲區宇內魚鳥失飛沉推轂二嶠道揚旆九河陰超乘
盡三屬選士皆百金戎車出細柳餞席遵上林興師誅後
服授律緩前禽亟轅方解帶驍武已按襟伐罪芒山曲吊
民伊水濤將陪告成禮待此未抽簪

侍宴餞臨川王北伐應詔

王筠

金版韜英玉牒蘊精帝德乃武王威有征軒習弧矢夏陳
干戚周驚戎車漢馳羽檄我皇駿聖千年踵武德洞千門
威加八柱金正圯德水行失道駟馬南牧戎徒西保荐食
伊瀍整居豐鎬金閣一作楊塵銅臺茂草命彼膳夫受詔
協律樂賦出車弦操別日玉饌駢羅瓊漿泛溢聖德溫溫
賓儀秩秩

侍宴餞庾於陵應詔

劉孝綽

皇心眷將遠帳餞靈芝側是日青春獻林塘多秀色芳卉
疑綸緝嘉樹似雕飾遊絲綴鶯領光風翔綺翼下輦朝旣
盈番宴景將昇高談競辨端竒文爭筆力伊臣獨無伎何
用奉歎息

侍宴餞張惠紹應詔

前人

滄池誠自廣蓬山一何峻麗景花上鮮油雲葉裏潤風度
餘芳滿鳥集新條振餞言班俊造光寵私輜恠徒然謬反
隅何以窺重任

侍宴二首

前人

清宴延多士，鴻私濫微薄。臨炎出蕙樓，望辰躋菌閣。上征切雲漢，悅眺周京洛。城寺鬱參差，街衢紛漠漠。禁林寒日晚，方秋未搖落。皇心重發志，賦詩追並作。自昔承天寵，於茲被人爵。選言非綺綃，何以儼金鑊。

二

茲堂乃峭嶠，伏檻臨曲池。樹中望流水，竹裏見攢枝。攔高景難蔽，岫隱雲易垂。避近逢休幸，朱躡曳青規。丘山不可答，葵藿空自知。

侍宴景陽樓

王僧孺

金鋪爍可鏡，桂棟儼臨雲。沾觴均飲德，服道驗朝聞。詎論

禹無間，非耻堯爲君。小臣亦何者，短翮屢追羣。

侍宴二首

前人

麗景燭春餘，清陰澄夏首。交枝隱修逕，迴流映遙阜。徒帷轢輕筠，移鑿拂高柳。去矣勞茂績，勉哉報嘉誘。小臣良不才，涓塵愧所守。何用勝雕斲，譬木良如朽。

二

迴鑿避暑宮，下輦迎風館。渺漫卿煙轉，霏微商雲散。蔓草亘巘垂，高枝起天半。迴風稍驚水，落光漸斜岸。妙舞駐行雲，清歌入層漢。醉顏暢有懌，德音良已粲。

御幸樂遊苑侍宴

張正見

大君臨四表，榮光普八埏。區中文化洽，海外武功宣。鳳下

書丹篆龜符著綠編昆明不習戰雲臺豈遊畋軌文通萬
國旗節靖三邊高秋藐姑射睿想屬汾川兩宮明合璧雙
闕帶非煙揚鑿出城觀詔蹕指郊壘禁苑迴雕輦離宮建
翠旃流水犇雷轂追風赴電鞭盡熊飄折羽金埒響膠絃
鳴玉升文砌稱觴溢綺筵獸舞依鍾石鸞歌應管絃霞明
黃鵠路風爽白雲天潦收荷蓋折露重菊花鮮上林賓早
鴈長楊唱晚蟬小臣慙藝業擊壤慕懷鉛康衢飛馭羽大
海滴微涓詠歌還集木舞蹈遂臨泉願薦南山壽明明奉
萬年

九日侍宴樂遊苑應制

見一百七十三卷

庾肩吾

入隋侍宴應詔

陳後主

日月光天德山河壯帝居太平無以報願上東方書

侍宴玄武觀

江惔

詰曉三春暮新雨百花朝星官移渡罕天駟動行鑣旒轉
蒼龍闕塵飛飲馬橋翠觀迎斜照丹樓望落潮鳥聲雲裏
出樹影浪中搖歌吟奉天詠未必待聞韶

秋日侍宴婁湖苑應詔

前人

翠渚還鸞輅瑤池命羽觴千門響雲蹕四澤動榮光玉軸
昆池浪金舟太掖張虹旗照島嶼鳳蓋繞林塘野靜重陰
閣淮秋水氣涼霧開樓闕近日迥煙波長洛宴諒斯在鎬
飲詎能方朽劣叨榮遇簪笏奉同行

侍宴蒞冊宮賦應制得情字

許敬宗

三星希曙景萬騎翊天行葆羽翻風隊騰吹掩山楹暖日
晨光淺飛煙旦彩輕塞寒桃變色水斷箭流聲漸奏長安
道神臯動睿情

侍宴應詔得前字

虞世南

芬芳禁林晚容與桂舟前橫空一鳥度照水百花燃綠野
明斜日青山澹晚煙濫得陪終宴握管類窺天

侍宴歸鴈堂

前人

歌堂面綠水舞館接金塘竹開霜後翠梅動雪前香鳥歸
初可侶鴈起欲分行刷羽同棲集懷恩愧稻梁

侍宴北門

杜正倫

大君端袞暇睿賞狎林泉開軒臨禁籞籍野列芳筵參差

歌管颺容裔羽旗懸玉池流若醴雲閣聚非煙湛露晞堯
日薰風入舜絃大德侔玄造微物荷陶甄謬陪瑤水宴仍
厠栢梁篇關名徒上月鄒辨詎談天旣喜光華旦還傷遲
暮年猶冀升中日簪裾奉肅然

正夜侍宴應詔

薛曜

重關鍾漏通夕敞鳳凰宮雙闕祥煙裏千門明月中酒杯
浮湛露歌曲唱流風侍臣咸醉止恒慙恩遇崇

侍宴銀潢宮應制

魏元忠

別殿秋雲上離宮夏景移寒風生玉樹涼氣下瑤池墜花
仍吐葉巖木尚抽枝願奉南山壽千秋長若斯

蓬萊三殿侍宴奉勅詠終南山應制

杜審言

北斗挂城邊南山倚殿前雲標金闕迥樹杪玉堂懸半嶺
通佳氣中峯繞瑞烟小臣持獻壽長此戴高天

初春行宮曲宴應制得天字

蘇味道

溫液吐涓涓跳波急應絃簪裾承睿賞花柳發韶年聖酒
千鍾洽宸章七曜懸微臣從此醉還似夢鈞天

奉和宴小山池賦得谿字應制 武三思

年光開碧沼雲色斂青谿凍解魚方戲風喧鳥欲啼巖泉
飛野鶴石鏡舞山雞柳發龍鱗上松新塵尾齊九韶從此
驗三月定應迷

凝碧池侍宴應制得出水槎

前人

彼木生何代爲槎復幾年欲乘銀漢曲先泛玉池邊擁潘

根橫岸沉波影倒懸無勞問蜀客此處即高天

凝碧池侍宴看競渡應制

李懷遠

上苑清鑿路高居重豫遊前對芙蓉沼傍臨杜若洲地如
玄扈望波似洞庭秋列筵飛翠竿分曹戲鷁舟湍高棹影
沒岸近傍歌道舞曲依鸞殿簫聲下鳳樓忽逢天上樂疑
逐海查流

侍宴旋師喜捷應制

韋安石

蜂蟻屯夷落熊羆逐漢飛忘驅百戰後屈指一年歸厚眷
紆天藻深慈解御衣興酣歌舞出朝野嘆光輝

梁王宅侍宴應制

前人

梁園開勝景軒駕動宸衷早荷承湛露修竹引薰風九醞

傾鍾石百獸協絲桐小臣陪宴鎬獻壽奉維嵩

同前

張說

梁王池館好晚日鳳樓通竹町羅千衛蘭筵降兩宮清歌
芳樹下妙舞落花中臣學延州聽還知大國風

過太平公主山亭侍宴

張昌宗

淮南有小山羸女隱其間折桂芙蓉浦吹簫明月灣扇掩
將鷓曲釵承墮馬鬟歡情本無限莫掩洛城關

泛舟侍宴應制

張易之

平明出御溝解纜坐廻舟

疑

綠水澄明月紅羅結綺樓絃

歌爭浦入冠蓋逐川流白魚臣作伴相對舞王舟

公主南宅侍宴應制

前人

遂賞平陽地鳴茄上苑東鳥吟千戶竹蝶舞百花叢時攀

小山桂共揖大王風坐客無勞起奏簫曲未終

興慶池侍宴應制

蘇瓌

金闕平明宿霧收瑤池式宴俯清流瑞鳳飛來隨帝輦祥
魚出戲躍王舟帷齊綠樹當筵密蓋轉緗荷接岸浮如臨
竊比微臣懼若濟叨陪聖主遊

立春日侍宴內出剪綵花應制

李嶠

幸聞年欲至剪綵學芳辰綴綺能似景裁紅巧逼真花從
篋裏發葉向手中春不與韶光競何名天上人

同前

趙彥昭

剪綵迎初候攀條故寫真花隨紅意發葉就綠情新嫩色

驚街驚輕香誤採人應爲薰風拂能令芳樹春

同前

沈佺期

合殿春應早開箱絲預知花迎宸翰發葉侍御筵披梅訝
香全少桃驚色頓移輕生承剪拂長伴萬年枝

同前

宋之問

金閣裝新杏瓊筵弄綺梅人間都未識天上忽先開蝶繞
香絲住蜂憐艷粉迴今年春色早應爲剪刀催

同前

劉憲

上林春館披春光獨早知剪花疑始發刻鷲似新窺色濃
輕雪點香淺嫩風吹此日叨陪侍恩榮慙數枝

同前

昭容上官氏

密葉因裁吐新花逐剪舒攀條雖不謬摘葉詎知虛春至
由來發秋還未肯踈借問桃將李相亂欲何如

同前

蘇頲

曉入宜春苑穠芳吐禁中剪刀因裂素粧粉爲開紅彩異
驚流雪香饒點便風裁成識天意萬物與花同

春日侍宴幸芙蓉園應制

李嶠

年光竹裏遍春色杏間遙煙氣籠青閣流文蕩畫橋飛花
隨蝶舞艷曲伴鸞嬌今日陪歡豫還疑陟紫霄

同前

蘇頲

御道紅旗出芳園翠輦遊繞花開水殿架竹起山樓荷芰
輕薰幄魚龍出負舟寧如穆天子空賦白雲秋

同前

李义

水殿臨丹藥山樓繞翠微昔遊人託乘今幸帝垂衣澗篠緣峯合巖花逗浦飛朝來江曲地無處不光輝

同前

宋之問

芙蓉秦地沼盧橘漢家園谷轉斜盤徑江迴曲遶源風來花自舞春入鳥能言侍宴瑤池夕歸途笳吹繁

三日禁園侍宴

沈佺期

九重馳道出上巳楔堂開畫鷁中川動青龍上苑來野花飄御座河柳拂天杯日晚迎祥處笙鏞下帝臺

九日侍宴應制得長字

此詩見一百七十三卷九日門

奉和

一無此二字

九日侍宴應制得時字

蘇頲

嘉會宜長日高遊順動時曉光雲半洗晴色雨餘滋降鶴

因韶德吹花入御詞願陪陽數節億萬九秋期一作徵臣復何幸長

得奉私恩

此詩一作見歲時雜詠疑是應制原本後編詩集八

句皆改

中宗降誕日長定公主滿月侍宴應制 李嶠

神龍見像日仙鳳養雛年大火乘天正明珠對月圓祚遙金篋裏歌奏玉筐前今日宜孫慶還參祝壽篇

同前

鄭愔

春殿荷蘭美仙階栢樹榮地逢方節應時覩聖人生月滿增祥莢天長發瑞靈南山遙可獻常願奉皇明

歲夜安樂公主滿月侍宴應制 沈佺期

除夜子星迴天孫滿月盃詠歌麟趾合簫管鳳雛來歲短
常然桂春盤預折梅聖皇千萬壽垂曉御明臺

七言侍宴桃花園詠桃花應制 李嶠

歲去無言忽顛顛時來含笑吐氛氲不能擁路迷仙客故
欲開蹊待聖君

同前

趙彥昭

紅萼競妍春苑曙粉茸新向御筵開長年願奉西王宴近
侍慙無東朔才

同前

徐彥伯

源水叢花無數開丹跗紅萼間青梅從今結子三千歲預

善仙遊復再來

同前

李义

綺萼成蹊遍苑芳紅英撲地滿筵香莫將秋宴傳王母來
比春華望聖皇

同前

蘇頲

桃花灼灼有光輝無數成蹊點更飛為見芳林含笑侍遂
同温樹不言歸

宿羽亭侍宴應制

見一百七十五卷亭門應制

杜審言

白蓮花亭侍宴應制

沈佺期

九日一作月陪天伏三秋幸禁林霜威變綠嶼雲氣落青岑
水殿黃花合山亭絳葉深朱旗夾小徑寶馬駐青濤苑吏

收寒菓饗人膳野禽承權不覺暝遙響素秋砧

仙萼亭初成侍宴應制

前人

山中氣色和宸賞第中過輦路披仙掌惟宮拂帝蘿泉臨香澗落峯入翠雲多無異登玄圃東南望白河

仙萼池亭侍宴應制

前人

步輦尋丹障行宮在翠微川長看鳥滅谷轉聽猿稀天磴扶階迥雲泉透戶飛閑花開石竹幽葉吐薔薇徑狹難留騎亭寒欲進衣白龜表疑作來獻壽仙吹返彤闈

嵩山石淙侍宴應制

前人

金輿旦下綠雲衢彩殿晴臨碧澗隅溪水冷冷逐行漏山煙片片引香爐仙人六膳調神鼎玉女三漿捧帝壺自惜

汾陽紆道駕無如太室覽直圖

三陽宮石淙侍宴應制

宋之問

離宮秘苑勝瀛洲別有仙人洞壑幽崑崙樹色含風冷石上泉聲帶雨秋鳥向歌筵來是曲雲依帳殿結為樓微臣昔忝方明御今日還陪八駿遊

麟趾殿侍宴應制

前人

北闕層城峻西宮複道懸乘輿歷萬戶置酒望三川花柳含丹日山河入綺筵欲知陪賞處空外有飛煙

上陽宮侍宴應制得林字

前人

廣樂張前殿重裘感聖心砌奠霜月盡庭樹雪雲深舊幄驂宸御慈恩忝翰林微臣一何幸再得聽瑤琴

侍宴應制

喬知之

紫禁肅晴氛朱城落曉雲豫遊龍駕轉天樂鳳蕭聞竹外
仙亭出花間輦路分微臣一何幸詞賦奉明君

奉和幸上陽宮侍宴應制

紫庭金鳳闕丹禁玉雞川似立蓬瀛上疑遊崑閬前鳥將
歌合轉花共錦爭鮮湛露飛堯酒薰風入舜絃水光搖落
日樹色帶晴煙向夕迴凋輦佳氣滿巖泉

黎園亭子侍宴

喬知之

陌上發香輦禁中遊草綠鴛鴦殿花紅翡翠樓天盃
承露酌仙管雜風流今日陪歡豫皇恩不可酬

守歲侍宴應制

杜審言

季冬除夜接新年帝子王孫捧御筵宮闕星河低拂樹殿
庭燈燭上薰天彈絲奏管梅風入對局採釣栢酒傳欲向
元正歌萬壽斝晉歡賞寄春前

故洛陽城侍宴

姚元崇

遊豫停仙蹕登臨對晚晴川鳧連倒影巖鳥應虛聲野奏
風城曲山居雲作纓今朝丘壑上高興小蓬瀛

春日洛陽城侍宴

前人

南山開寶曆北渚對芳蹊的歷風梅度參差露草低堯樽
臨上席舜樂下前溪任重由來醉乘酣志轉迷

侍宴曲

賈

雲陛褰珠扆丹墀覆綠楊隔疑簾粧隱映向席舞低昂鳴

佩長廊靜開冰厝殿涼歡餘劍履散同輦入昭陽

醉中侍宴應制

李白

柳色黃金嫩梨花白雪香玉樓巢翡翠珠殿鎖鴛鴦選妓
隨雕輦微歌出洞房宮中誰第一飛鷲在昭陽

文苑英華卷第一百六十九

文苑英華卷第一百七十

詩二十

應制三 巡幸

遊方山二首

至老子廟一首

臨渭源二首

渡淮五首

還京二首

巡遊二首

幸晉陽一首

初發東都一首

幸江都二首

臨洛水四首

塗經濮濟二首

春日望海三首

重幸武功一首

過温湯五首

經破薛舉戰地二首

入潼關二首

秋風函谷應詔一首

驪山高頂寓日九首

幸新豐溫泉宮二首

途經華岳四首

早渡蒲津關四首

侍遊方山應制

梁沈約

清漢夜昭晷扶桑曉陸離發吹重陽下建羽朝夕池撻金
浮水若聳蹕詔山祗一霑九霄露藜藿終自知

從駕遊山

北齊袁爽

從天響仙蹕春望動神衷澗水含初溜山花發早叢玉輿
明淑景珠旗轉瑞風平原與上路佳氣遠葱葱

至老子廟應詔

庾信

虛無推馭辯廖廓本乘蜺三門臨苦縣九井對靈溪成丹
湏竹節量藥用刀圭石似臨邛芋芝如封禪泥髦毛新鴟

小盤根古樹低野戍孤煙起春山百鳥啼路有三千別途
經七聖迷唯當別關吏直向流沙西

臨渭源

隋煬帝

西征乃屆此山路亦悠悠地幹紀靈異同穴吐洪流濫觴
何足擬浮槎難可儔驚波鳴澗石澄岸瀉巖樓滔滔下秋
縣森森肆神州長林笑白獸雲逕想青牛風掃花葉散日
舉煙霧收直爲求人隱非窮轍迹遊

奉和臨渭源應詔

薛道衡

玄功復禹迹至德去湯羅玉關亭障遠金方水石多八川
茲一態萬里導長波驚流注陸海激浪還天河鸞旗歷巖
谷龍穴暫經過西老陪遊宴南風起詠歌庶品蒙仁澤生

靈沐太和微臣惜暮景願駐魯陽戈

早渡淮

隋煬帝

平淮既森森曉露復霏霏淮甸未分色決瀋共晨暉晴霧
轉孤嶼錦帆出長圻潮魚時躍浪沙禽鳴欲飛會待高秋
晚愁因近水歸

奉和出潁至淮應制

諸葛穎

涉潁倦紆迴浮淮欣迥直遙村含水氣遠浦澄天色靈濤
稍欲近仙巖行可識玄覽屬霄辭風雲有餘力

同前

蔡允恭

久倦川涂曲忽此望淮圻波長泛森森眺回情依依稍覺
金烏轉漸見錦帆稀欲知仁化洽謳歌蒲路歸

同前

弘執恭

睿情欣逸賞臨泛入淮淝棹聲喧岸度帆影出雲飛清流
含日彩奔浪蕩霞輝還如漳水曲鳴笳啓路歸

同前

虞世南

良晨喜利涉解纜入淮潯寒流泛鷁首霜吹響哀吟潛鱗
波裏躍水鳥浪前沉邦溝非復遠帳望悅宸襟

還京師

隋煬帝

東都儀禮舉西京冠蓋歸是月春之季花柳相依雲蹕
清馳道雕輦御晨暉寥亮饒笳奏葳蕤旌旆飛後乘趨文
雅前驅厲武威

從駕還京

李德林

至仁文教遠惟聖武功宣太師觀六儀諸侯問百年玄覽
時乘隙訓旅次山川鎮象屯休氣華蓋翼飛煙鼓奏千人
響旗動七星連峻嶺戈廻日高原馬煦天姑射神遊罷蕭
關獵騎旋更待東山上看君巡狩篇

從駕巡遊

前人

大夏堯遺俗汾河漢豫遊今隨龍駕往還屬鴈飛秋天行
肅輦路日馭翼華輶朝乘六氣辯夕動七星旒谷靜禽多
思風高松易秋遠林才有色遙水漫無流京華佳麗所目
極與雲浮但覩凌霄觀詎見望仙樓璵門皆秀發鴛池盡
覺優侍君草封禪東山觀射牛

從駕天池應詔

薛道衡

上聖家寰寓威畧振邊陲八維窮眺覽千里轉旌旗駕龜
臨碧海控驥踐瑤池曲浦騰煙霧深浪駭鯨螭

從駕幸晉陽

前人

省方遵往冊遊豫叶前經金吾朝戒道校尉晚巡營重巒
下飛騎絕浦渡連旌澗水寒逾咽松風遠更清方觀翠華
反管筆上雲亭

物發東都應詔

庾自直

二龍乘玉軸萬綺翊林塘縱觀此何事巡駕幸維楊伊維
山川轉江湖道路長照日秋源淨分花曲水香稻梁叨歲
月羽翮仰恩光後塵歸舊里還如仙鶴翔

奉和幸江都應詔

虞茂

文苑英華 卷一百一十五
巡幸光帝典征吉乃先天澤國翔宸駕水府泛樓船七萃
長榮薄三翼亘通川夙興大昕始求衣昧早前澄瀾浮曉
色遙林卷宿煙晨霞稍含景落日漸虧弦迴塘響歌吹極
浦望旌旗方陪覲東后登封禪肅然

同前

虞世南

南國行周化稽山秘夏圖百王豈殊軌千載叶前謨肆覲
遵時豫順動悅來蘇安流浮玉軸戒道翼金吾龍旗煥辰
象鳳吹溢川塗封唐昔敷錫分陝被荆吳沐道成知讓遵
儀允美都冬律初飛管陽鴈正銜蘆嚴飈肅林薄愛景落
江湖鳴秋澹幽遠厚澤潤凋枯虞琴起歌詠漢筑動巴歛
多幸沾行葦無庸類散樗

臨洛水

唐太宗

春蒐馳駿骨惣轡俯長河霞處流雲錦風前漾卷羅水花
翻照樹堤蘭倒挿波豈必汾陰曲秋雲發棹歌

奉和受圖溫洛

蘇味道

綠綺膺河檢青壇俯洛濱天旋俄制蹕孝享屬嚴禋陟配
光三祖懷柔泊百神霧開中道日雲歛屬車塵預奉咸英
奏長歌億萬春

同前

牛鳳及

八神承玉輦六羽警瑤溪戒道伊川北通旌澗水西御圖
開洛匱刻石與天齊瑞日波中上仙禽霧裏低微臣矯弱
翻林舞接鸞鷲

奉和拜洛

李嶠

七萃鑿輿動千年瑞檢開文如龜負出圖似鳳銜來殷薦
三神享明祠萬國陪周旗黃鳥集漢幄紫雲迴日暮鈞陳
轉清歌上帝臺

奉和展禮岱宗塗經濮濟

蕭楚材

拂漢星旗轉分宵日羽明將追會阜跡更勒岱宗銘林戈
明濟岸獸鼓震河庭葉箭凌寒矯烏弓望曉驚已降汾水
作仍深迎渭情

同前

薛堯構

龍圖冠胥陸鳳駕指云亭非烟泛濟浦綠宇啓河汀畫常
晨應月文戟曙分星四海巡揖禮三驅道契經行欣奉萬

歲竊抃偶千齡

春日望海

唐太宗

披襟眺滄海憑軾翫春芳積流橫地紀疏派引天潢仙氣
凝三嶺和風扇八荒拂潮雲布色穿浪日舒光照岸花分
彩迷雲鴈斷行懷卑運深廣持蒲守靈長有形非易測無
源詎可量洪濤經變野翠島屢成桑之杲思漢帝碣石想
秦皇霓裳非本意端拱且圖王

奉和同前

楊師道

春山臨渤海征旅輟晨裝迴瞰盧龍塞斜瞻肅慎鄉洪波
迴地軸孤嶼映雲光落日驚濤上浮天駭浪長仙臺隱螭
駕水府泛龜梁碣石朝煙滅之杲歸鴈翔北巡非漢后東

辛異秦皇塞旌羽林客跋距少年塲龍擊驅遼水鵬飛出
帶方將舉青丘繳安訪白霓裳

同前

許敬宗

韓夷憊奉責憑險亂天常乃神弘廟略橫海剪吞航電野
清玄菟騰笳振白狼連雲飛巨艦編石架浮梁周遊臨大
壑降望極遐荒桃門通山杳蓬渚降霓裳驚濤含蜃闕駭
浪掩晨光青丘絢春組丹谷耀華桑長驅七萃成功百
戰塲俄且旋戎路飲至肅巖廊

重幸武功

唐太宗

代馬依朔吹驚禽愁昔藜况茲承睿德懷以舊感深衷積善
欣餘慶暢武悅神功垂衣天下治端拱屯書同白水巡前

跡丹陵幸舊宮列筵歡故老高宴聚新豐駐驛撫田峻廻
輿訪牧童瑞氣縈丹闕祥煙散碧空孤嶼含霜白遙山帶
日紅於焉歡繫筇聊以詠南風

過温湯

前人

温渚亭仙蹕豐郊駐曉旌路曲廻輪影巖虛傳涌聲暖溜
驚湍駛寒空碧霧輕林黃踈葉下野白曙霜明眺聽良無
已煙霞斷續生

奉和同前

越王真

鳳輦騰宸駕驪蘂次乾遊坎德踈温液山隈派暖流寒氛
空外擁蒸氣沼中浮林雕帷影散雲歛蓋陰收霜郊暢玄
覽參差落景道

同前

握圖開萬寓屬聖啓千年驪阜疏緹綺驚鳴映綵旃玉霜
明鳳野金陣藻龍川祥煙聚危岫熊水溢飛泉停輿與
覽還舉大風篇

同前

楊思玄

豐城觀漢迹温谷幸秦餘地接幽王壘塗分鄭國渠風威
肅文衛月彩鏡彫輿遠岫凝氛重寒松對影踈廻瞻漢章
闕佳氣蒲宸居

同前

鄭義真

洛川方駐蹕豐野暫停鑿湯泉恒獨涌温谷豈知寒涌鼓
依巖畔相風出樹端嶺煙遙聚草山月廻臨鞍日用誠多

幸天文遂仰觀

經破薛舉戰地

唐太宗

昔年懷壯氣提戈初仗節心隨朗日高志與秋霜潔移鋒
驚電起轉戰長河決營碎落星沉陣卷橫雲裂一搗氛沴
靜拜舉鯨鯢滅於茲俯舊原屬目駐華軒沈沙無故迹滅
竈有殘痕浪霞穿水淨峯霧拖蓮昏世途亟流易人事殊
今昔長想眺前蹤撫躬聊自適

奉和行經破薛舉戰地應詔

許敬宗

混元分大象長策挫脩鯨於斯建宸極由此創鳴名一戎
乾宇泰千祀德流清垂衣凝庶績端拱鑄群生復整瑤池
駕還臨官渡營周遊尋曩迹曠望動天晴帷宮面丹浦帳

殿囑宛城虜場栖九穉前歌被六英戰地甘泉涌陣屢景
雲生普天沾凱澤相携欣頌平

入潼關

唐太宗

峻函稱地險襟帶壯兩京霜峯直臨道水河曲遶城古木
參差影寒猿斷續聲冠蓋往來合風塵朝夕驚高談先馬
渡僞曉預雞鳴棄繻懷遠志封泥負壯情尚有真人氣安
知名不名

奉和同前

許敬宗

曦馭循黃道星陳引翠旗濟潼紆萬乘臨河耀六師前旌
彌陸海後騎發通伊勢踰迴地軸威盛轉天機是節歲窮
絕關樹蕩涼颼仙霧含靈掌瑞鼎照川湄坤襟賞臨眺高

詠入京畿

秋風函谷應詔

徐賢妃

秋風起函谷朔氣動河山偃松千嶺上雜雨二陵間低雲
愁廣隰落日慘重關此詩飄紫氣應驗真人還

登驪山高頂寓目

唐太宗

四郊秦漢國八水帝王都閭閻雒里閉城闕壯規模貫渭
稱天色含岐寔奧區金門披玉館因此識皇圖

奉和登驪山高頂寓目應制

李嶠

步輦陟山巔高山入紫煙忠臣還捧日聖后欲捫天廻識
平陵樹低看華岳蓮帝鄉應不遠空見白雲懸

同前

劉憲

驪阜鎮皇圖鑾遊眺八區原隰旌門裏風雲入座隅直城
如斗柄宮樹似星榆從臣詞賦未濫得上天衢

同前

趙彥昭

皇精遍九垓御輦駐照回路若隨天轉人疑近日來河看
大禹鑿山見巨靈開願扈封鑾駕常持薦壽杯

同前

蘇頌

仙蹕御層氲高高積翠分崑聲中谷應天語半空聞豐樹
連黃葉函關入紫雲聖圖恢寓縣歌賦小橫汾

同前

崔湜

名山河壯哉玄覽一徘徊御路穿林轉旌門倚石開煙雲
肘後發河塞掌中來不學蓬壺遠經年猶未迴

同前

崔巘萬尋懸居高敞御筵行戈疑駐日步輦若昇天城闕
霧中近關河雲外連謬陪登弁駕忻奉濟汾篇

同前

武平一

鑾輿上碧天翠帟拖晴煙絕萼紆仙逕層巖敞御筵雲披
丹鳳闕日下黑龍川更覩南薰奏流聲入管絃

同前

張說

寒山入半空眺臨盡闕中是日巡遊處晴光遠近同川明
分渭水樹暗辯新豐巖壑清陰暮天歌起大風

幸新豐溫泉宮應制

徐彥伯

姬典歌時邁虞編記省方何如黑帝月玄覽白雲鄉翠仗

縈船庫明旆應蒼陽風搖花毳彩雪艷寶戈芒御栢開油
次離宮夾樹行桂枝籠驤裏松葉覆堂皇仙女含珠液温
池孕壁房湧疑神漢詩澄若帝臺漿獨沸流常熱潛蒸氣
轉香青坻壞疑作環玉甃紅淀鑠金光藻耀凝芳潔歲蕤歎
淑祥五龍歸寶筭九鳶叶時康同預華封老中衢祝聖皇

同前

武平一

秦王登碣石周后襲崑崙何必在遐遠方稱萬寓尊我皇
順時豫星駕動軒轅雄戟交馳道清笳度國門廻輿長樂
觀校獵上林園行漏移三象連營揔八屯旌搖鸞鷁谷騎
轉鳳凰原絕壁蒼苔古靈泉碧溜温參差開水殿窈窕敞
巖軒豐邑模猶在驪宮跡尚存煙松銜翠幄雪逕遶花源
侍從推玄草文章負武賁深仁浹夷夏大造溢乾坤謬忝
王枚列多慙雨露恩

途經華嶽

唐玄宗

飭駕去京邑鳴鑾指洛川循途經太華廻蹕暫周旋翠萼
留斜影懸巖凝夕煙四方皆石壁五位配金天髣髴看高
掌依稀聽子先終當銘歲月從此記靈仙

奉和途經華嶽應制

張說

西嶽鎮皇京中峯入太清玉鑾重嶺應緹綺薄雲迎霽日
懸高掌寒空映削城軒遊會神處漢幸望仙情舊廟青林
古新碑綠字生群臣願封岱廻駕勒鳴名

同前

張九齡

萬乘華山下千巖雲漢中靈宮雖奧密睿覽忽玄同日月
臨高掌神仙仰大風攢峯勢岌岌翊輦氣熊熊揆物知幽
贊銘勲表聖衷會應陪玉檢來此告成功

同前

蘇頲

朝望蓮花嶽神心就日來晴觀五千仞仙掌拓山開受命
金符叶過祥玉瑞陪霧披乘鹿見雲起馭龍迴偃樹枝封
雪殘碑石冒苔聖皇惟道契文字勒巖隈

早渡蒲津關

唐玄宗

鍾鼓嚴更曙山河野望通鳴鑿下蒲阪飛旆入秦中地險
關逾壯天平鎮尚雄春來津樹合月落戍樓空馬色分朝
景雞聲逐曉風所希常道泰非復俟繻同

奉和早渡蒲津關應制

張說

蒲坂橫臨晉華芝曉望秦關城雄地險橋路扼天津樓映
行宮日隄含宮樹春黃雲隨寶鼎紫氣逐真人東詠唐虞
跡西觀周漢塵山河非國寶明主愛忠臣

同前

徐安貞

仙掌臨秦甸虹橋闢晉關兩鄉分地險一曲渡河灣路得
津門要時稱古戍閑城花春正發岸柳曙堪攀後乘猶臨
水前旌欲換山長安回望日宸御六龍還

同前

張九齡

魏武中流處軒皇問道迴長堤春樹發高掌曙雲開龍負
王舟度人占仙氣來河津會日月天仗役風雷東顧重關

盡西馳萬國陪還聞股肱郡元首詠康哉

文苑英華卷第一百七十



卷之三